





御纂醫宗金鑑卷九

訂正仲景全書傷寒論註合病併病篇目錄

葛根湯

葛根加半夏湯

黃芩湯

黃芩加半夏生薑湯

臨症醫宗金鑑卷八

清江外景金鑑卷八

普贈題

普贈題

普贈題

普贈題

御纂醫宗金鑑卷九

訂正仲景全書傷寒論註

辨合病併病衄證并治篇

傷寒有六經之證有六經之衄證衄并然不雜則可直指
爲某經之病若兩經三經陰陽混淆不可以一經名者或
一經未罷又傳一經二經三經同病不歸併一經者則名
曰合病或二經三經同病其後歸併一經自病者則名曰
併病論中所著合病併病雖單舉陽經未及陰經然陽經
既有合病併病則陰經亦必有之可知矣如太陽病衄反
沉少陰病反發熱是少陰太陽合病也陽明病衄遲太陰

病大實痛是太陰陽明合病也少陽病脈細而厥厥陰病
嘔而發熱是厥陰少陽合病也是雖無合病之名而確有
合病之實且三陽皆有發熱證三陰皆有下利證如發熱
而下利是陰陽合病也陰陽合病若陽盛者屬陽經則下
利爲實熱卽論中所謂太陽陽明陽明少陽太陽少陽合
病者是也陰盛者屬陰經則下利爲虛寒卽論中所謂少
陰下利反發熱不死少陰下利清穀裏寒外熱不惡寒而
面赤者是也蓋陽與陽合不合於陰爲三陽合病則不下
利而自汗出乃白虎湯證也陰與陰合不合於陽爲三陰
合病則不發熱而吐利厥逆乃四逆湯證也誠以人之藏

府五根陰陽相合三陽既有合併之病則三陰亦有合併之病不待言矣

太陽與陽明合病者必自下利葛根湯主之太陽與陽明合病不下利但嘔者葛根加半夏湯主之

註

一經未罷又傳一經二經三經同病而不歸併一經者謂之合病太陽與陽明合病者謂太陽之發熱惡寒無汗與陽明之煩熱不得眠等證同時均病表裏之氣升降失常故不下利則上嘔也治法祇須先解太陽之表表解而陽明之裏自和矣若利則宜葛根湯表而升之利可自止嘔則加半夏表而降之嘔自可除也

集註成無已曰邪氣外盛陽不主裏則裏氣不和裏氣下而不

上者但利而不嘔裏氣上逆而不下者但嘔而不利故以

葛根湯以散表邪加半夏以下逆氣也

葛根湯方

葛根 四兩

麻黃 三兩
去節

桂枝 二兩

芍藥 二兩

甘草 二兩
炙

生薑 三兩
切

大棗 十二
枚擘

右七味咬咀以水一斗先煮麻黃葛根減二升去沫內諸

藥煮取三升溫服一升覆取微似汗不須飲粥餘如桂枝

法將息及禁忌

葛根加半夏湯方

於葛根湯內加半夏半升餘依葛根湯法

方解

是方卽桂枝湯加麻黃葛根也麻黃佐桂枝發太陽榮衛之汗葛根君桂枝解陽明肌表之邪不曰桂枝湯加麻黃葛根而以葛根命名者其意重在陽明以嘔利多屬陽明也二陽表急非溫服覆而取汗其表未易解也或嘔或利裏已失和雖歠粥而胃亦不能輸精於皮毛故不須歠粥也

集解

柯琴曰李杲定爲陽明經藥潔古云未入陽明者不可便服豈二子未讀仲景書耶要之葛根桂枝俱是解肌和裏

之劑故有汗無汗下利不下利俱可用與麻黃之專於發表者不同也

汪琥曰外臺方議問曰經云下利不可發汗發汗則脹滿今此下利又發汗者何也答曰少陰病下利清穀者爲裏虛若更發汗則脾虛而脹今太陽病未罷或有頭痛惡風寒等證尙在於表其脈尙帶浮便傳入陽明而有口渴身熱等證又自下利必須此方發散太陽之表以中有葛根能除陽明之邪也故諸證但發熱兼有裏而脈浮者此方最善

太陽與陽明合病喘而胸滿者不可下
麻黃湯

註
太陽陽明合病不利不嘔者是裏氣實不受邪也若喘而

胸滿是表邪盛氣壅於胸肺間也邪在裏分之表非結胸也故不可下以麻黃湯發表通肺喘滿自愈矣

集註

喻昌曰兩經合病當用兩經之藥何得專用麻黃湯耶蓋

太陽陽明兩邪相合邪攻其胃不嘔則利故用葛根湯今邪攻其肺所以喘而胸滿麻黃杏仁者肺氣喘逆之專藥也

魏荔彤曰二經合病獨見證於胸肺之間喘而作滿此正二經之表邪爲患不可誤認胸膈屬裏妄施攻下如大小陷胸之類也

太陽與少陽合病自下利者與黃芩湯若嘔者黃芩加半夏生薑湯主之

註

太陽與少陽合病謂太陽發熱惡寒與少陽寒熱往來等證並見也若表邪盛肢節煩疼則宜與柴胡桂枝湯兩解其表矣今裏熱盛而自下利則當與黃芩湯清之以和其裏也若嘔者更加半夏生薑是清和之中兼降法也

集註

程知曰言太陽少陽合病下利宜用和法也曰太陽則尚有表證也然已見下利則入裏之熱已明故不解外而清內成無已云太陽陽明合病下利為在表當與葛根湯陽明少陽合病下利為在裏可與承氣湯此太陽少陽合病

下利爲在半表半裏非汗下所宜故與黃芩芍藥以利解
之嘔者邪上逆也故加半夏生薑以散逆氣

汪琥曰太少合病而至下利則在表之寒邪悉入而爲裏
熱矣裏熱不實故與黃芩湯以清裏熱使裏熱清而在表
之邪自和矣所以此條病不但太陽桂枝在所當禁并少
陽柴胡亦不須用也

黃芩湯方

黃芩 三兩

甘草 二兩

芍藥 二兩

大棗

十二枚擘

右四味以水一斗煮取三升去滓溫服一升日再服夜一

服

黃芩加半夏生薑湯方

於黃芩湯方內加半夏半升生薑三兩餘依黃芩湯法

方解

裏熱不和故自下利用黃芩清熱甘草和中得芍藥大棗

其功倍焉熱清裏和而利可止

集解

柯琴云因熱不在半表故不用柴胡熱已入半裏故主黃

芩加芍藥也非微弱胃虛不須人參若兼嘔者仍加半夏

生薑可也

陽明少陽合病必下利其脈不負者為順也負者失也互相尅賊名為負也脈滑而數者有宿食也當下之宜大承氣湯

註

陽明屬土少陽屬木二經偏裏故合病必下利也陽明脈
大少陽脈弦脈得大弦是爲本脈空黃芩湯清熱和土兼
瀉木邪利自止矣若脈單大不弦則爲土不受邪其病易
愈名爲順也單弦不大則爲木來尅土其病難治名爲負
也今脈不大弦而滑數則知非木土爲害乃宿食爲病之
熱利也故不用黃芩湯而以大承氣湯下之也大陽陽明
合病下利表證居多故以葛根湯發之陽明少陽合病下
利裏證居多故以大承氣湯攻之太陽少陽合病下利半
表半裏居多故以黃芩湯和之若非合病則桂枝湯麻黃
湯分主太陽之表五苓散抵當湯分主太陽之裏葛根湯

主陽明之表三承氣湯主陽明之裏小柴胡湯主少陽之表大柴胡湯主少陽之裏是各有偏司也

集註

張兼善曰凡合病皆下利各從外證以別焉夫太陽病頭項痛腰脊強陽明病目痛鼻乾不得臥少陽病胸脇痛耳聾凡遇兩經病證齊見而下利者曰合病也然兩經但各見一二證便是不必悉具

林瀾曰此節是三證在內大承氣祇治得脈滑而數有宿食之證非竝治上兩證也其脈不致者雖下利而脈未至純弦也不言治法

陶華謂當以小柴胡加葛根白芍治之取效如拾芥是也

負者脈純弦也土敗但見鬼賊之脈不必治矣蓋雖同是陽明之合病而有八經在府之殊安可以在經之際概歸之承氣乎

三陽合病脈浮大上關上但欲眠睡目合則汗

按浮大上之上字當是弦字始合論中三陽合病之脈若是

上字則經論中從無兩寸脈主三陽病之理

註

脈浮大弦三陽合病之脈也浮大弦皆見於關上知三陽之熱邪皆聚於陽明也熱聚陽明則當煩不得眠今但欲眠睡是熱盛神昏之昏睡也昏睡自然目合熱蒸則汗自出也若施治得宜使邪還於表而解否則未可卜也宜以

柴胡桂枝白虎三湯酌其所當合而用之可也

註方有執曰太陽衄浮陽明衄大關上乃少陽之部位故曰

三陽合病

魏荔彤曰診其衄浮爲太陽大爲陽明其長上於關上則弦可知矣弦又爲少陽是三陽之經同受邪所以三陽之衄同見病如此再諦之於證但欲眠睡非少陰也乃陽盛神昏之睡也及口合則汗出是陽勝爭於陰中之汗出也三陽合病腹滿身重難以轉側口不仁面垢譫語遺尿發汗則譫語下之則額上生汗手足逆冷若自汗出者白虎湯主之

註

此承上條復詳其證以明其治也三陽合病者太陽陽明

少陽合而爲病也必太陽之頭病發熱陽明之惡熱不眠
少陽之耳聾寒熱等證皆具也太陽主背陽明主腹少陽
主側今一身盡爲三陽熱邪所困故身重難以轉側也胃
之竅出於口熱邪上攻故口不仁也陽明主面熱邪蒸越
故面垢也熱結於裏則腹滿熱盛於胃故譫語也熱迫膀胱
則遺尿熱蒸肌腠故白汗也證雖屬於三陽而熱皆聚
胃中故當從陽明熱證主治也若從太陽之表發汗則津
液愈竭而胃熱愈深必更增譫語若從陽明之裏下之則
陰益傷而陽無依則散故額汗肢冷也要當審其未經汗
下而身熱自汗出者始爲陽明的證宜主以白虎湯大清

胃熱急救津液以存其陰可也

集註

汪琥曰或問白虎湯何以能解三陽之熱答云病至自汗

出則太少之邪總歸陽明矣安得不從陽明而專治之耶
鄭重光曰三陽合病表裏俱傷也發汗偏攻太陽則邪併
於陽明而讞語益甚攻下偏治陽明則額上生汗汗出不
流手足厥冷必成亡陽之證然則既不宐於汗下惟有白
虎一湯兩解陽明表裏之熱若無自汗表猶未解尚不可
用此條當與喝證參治也

二陽併病太陽初得病時發其汗汗先出不微因轉屬陽明續
自微汗出不惡寒若太陽證不罷者不可下下之爲逆如此可

小發汗設面色緣緣正赤者陽氣怫鬱在表當解之熏之若發汗不徹不足言陽氣怫鬱不得越當汗不汗其人躁煩不知痛處乍在腹中乍在四肢按之不可得其人短氣但坐以汗出不徹故也更發汗則愈何以知汗出不徹以脈濇故知也

按

當解之下熏之二字當是以汗二字始與上下文義相屬

註

一經未罷又傳一經同病而後歸併一經自病者名曰併病二陽者太陽陽明也太陽初得病時發汗汗出不徹未盡之邪因而轉屬陽明若續自微微汗出不惡寒反惡熱始為陽明可下之證若不微微汗出而惡寒者則是太陽之表猶未罷不可下也下之為逆矣如已經發汗尚有未

盡之表宜仍與麻桂各半湯或桂枝二越婢一湯小小發汗以和其表自可解也緣緣接連不已也正赤不雜他色也謂滿面接連赤色不已也此由於汗出不徹故陽氣拂鬱不得宣越所以其人煩躁短氣衄瀉不知痛處乍在腹中乍在四肢求之而不可得也是皆邪氣壅甚於經漫無出路但坐以汗出不徹之故耳當更用大青龍湯或葛根湯發其汗則愈矣

按

面赤一證勞損顙紅發於午後者骨蒸陰虛也格陽浮赤兼厥利衄微者陽虛也赤色深重潮熱便裏實也赤色淺淡惡寒無汗表實也短氣衄瀉內因多氣血虛若外因

短氣必氣麤是汗出不徹邪氣壅促胸中不能布息之短氣非過汗傷氣氣之不足續息之短氣也外因脈濇必有
力是汗出不徹邪氣壅滯榮衛不能流通之脈濇非過汗
傷液液少不滋脈道之脈濇也

集註

王肯堂曰因病太陽故當汗因病陽明故當小汗先字最
有次第乃仲景之樞機也下之以大小承氣汗之以麻黃
等湯

程應旌曰太陽既轉屬陽明宜從陽明治矣然恐轉逋之
處表邪去尚未盡裏邪乘其未深兩邪相持而前後互見
是曰併病縱使表少裏多終是帶表之陽明也太陽不應

有腹痛以邪無出路意欲內攻故乍在仍不知其處

林瀾曰汗不徹者衄必瀉非再汗邪奚白去乎是知未汗則爲併病已汗卽爲轉屬陽明未汗則爲陽氣怫鬱在表已汗則爲汗出不徹汗不徹者必更汗之轉屬者必下除之未汗者可小發汗怫鬱者可解之以汗邪由不同爲病自不同故施治亦不同耳

二陽併病太陽證罷但發潮熱手足熱熱汗出大便難而譫語者下之則愈宜大承氣湯

註

二陽併病太陽陽明同病也太陽證罷盡歸併於陽明所以但發潮熱手足熱熱汗出大便難而譫語也是皆陽明

胃實之證故下之則愈宜大承氣湯

集註

喻昌曰併病二條皆是大陽陽明上條初入陽明太陽之

邪未徹故仍宜汗之此條已入陽明太陽證罷而盡歸併陽明故宜下之

程知曰併病者一經證多一經證少有歸併之勢也太陽證罷而歸併陽明但手足熱熱汗出是大便已鞭也與大承氣湯以下胃熱可也

太陽與少陽併病頭項強痛或眩冒時如結胸心下痞鞭者當刺太椎第一間肺俞肝俞慎不可發汗發汗則譫語蜚弦五六日譫語不止當刺期門

註

太陽與少陽併病故見頭項強痛或眩冒時如結胸心下痞鞭之證而曰或曰時如者謂兩陽歸併未定之病狀也病狀未定不可以藥當刺肺俞以瀉太陽以太陽與肺通也當刺肝俞以瀉少陽以肝與膽合也故刺而俟之以待其機也苟不知此而以頭項強痛爲太陽之邪曰眩胸滿爲少陽之邪發其汗兩陽之邪乘燥入門則發譫語設衄長大則猶爲順可以下之今衄不大而弦五六日譫語不止是土病而見木衄也名曰負負者尅賊也慎不可下當刺期門以直瀉其肝可也

集註

方有執曰併猶合也彼此相兼合而有輕重多寡之不同

謂之併蓋少陽間隔陽明去太陽遠故但兼併也

喻昌曰少陽之脈絡脇肋間併入太陽之邪則與結胸證似是而實非也肝與膽合刺肝俞所以瀉膽也膀胱不與肺合然肺主氣刺肺俞以通其氣斯膀胱之氣化行而邪自不能留矣發汗則讖語與合病木盛尅土之意同脈弦亦卽合病內少陽勝而陽明負之互詞刺期門以瀉木邪之盛也

林瀾曰大椎卽百勞穴一椎上陷中主瀉胸中諸熱氣第一問疑卽商陽在手食指內側主胸中氣滿熱病汗不出肝俞在九椎下肺俞在三椎下各去脊中二寸二穴並主

名醫集卷之六 金匱要略 卷之六
三
瀉五藏之熱期門在乳根二肋端主傷寒胸中煩熱過經
汗不出

太陽少陽併病心下鞭頸項強而眩者當刺大椎肺俞肝俞慎
勿下之

此承上條戒不可下之義也太陽少陽併病心下鞭而眩
者少陽也頸項強者太陽也當刺肺俞肝俞以瀉太陽少
陽之邪慎不可下也若以心下鞭而誤下之必變逆候矣
成無已曰慎勿下之攻少陽之邪太陽之邪乘虛入裏必
作結胸經曰太陽少陽併病而反下之成結胸

集註

程知曰上言不可汗此言不可下也不可汗恐其譏語不

可下恐其結胸也

程應旄曰此併病心下鞭居首頸項強而眩次之似尚可下不知少陽三法有禁祇可刺而慎勿下也

汪琥曰大椎一穴實令大少而齊瀉諸家註皆不明用鍼之理竟置大椎而不論大誤之極

太陽少陽併病而反下之成結胸心下鞭下利不止水漿不下其人煩

註

此承上條而言誤下之變也太陽少陽併病不刺肺俞肝俞而反下之兩陽之邪乘虛陷裏則時如結胸竟成結胸矣心下鞭變爲下利不止水漿不入矣上不入而下常出

則中空無物其人心煩忪亂而變成壞證雖有前條刺法亦無所用矣

集註

程知曰此二陽併病誤下之變也太陽表邪乘虛入裏則

爲結胸心下硬少陽半裏之邪乘虛入裏則爲下利不止上下俱病而陽明之居中者遂至水漿不入而心煩也

喻昌曰併病卽不誤用汗下已知結胸心下痞鞅矣况又誤下乎故比太陽一經誤下之變始有甚焉其人心煩似不了之語然經謂結胸證具躁煩者死意此亦謂其人心煩者死乎

汪琥曰太陽病在經者不可下少陽病下亦在所當禁故

以下之爲反也

印
正
金
宗
公
監

卷
九

訂
正
傷
寒
論
註
合
病
併
病
篇

七

名義學ノ金

ノ金

一

御纂醫宗金鑑卷十

訂正仲景全書傷寒論註差後勞復食復陰陽易病鯁證併

治篇目錄

枳實梔子豉湯

牡蠣澤瀉湯

竹葉石膏湯

燒棍散

新嘉坡分館

御纂醫宗金鑑卷十

訂正仲景全書傷寒論註

辨差後勞復食復陰陽易病脈證并治篇

傷寒新愈起居作勞因而復病謂之勞復強食穀食因而復病謂之食復男女交接復而自病謂之房勞復男女交接相易爲病謂之陰陽易謂男傳不病之女女傳不病之男有如交易也蓋因其人新差餘邪伏於藏府未經悉解故犯之輒復也學者於臨證時審其脈證而詳辨之則施治自無誤矣

大病差後勞復者枳實梔子豉湯主之若有宿食者加大黃如

博碁子五六枚

註

太病差後謂傷寒病新差後也勞復者謂起居作勞復病非房勞復也宜枳實梔子豉湯主之溫覆令微似汗自愈不取其涌者以熱不在胸而在經也若因過食復病者謂之食復以有宿食也宜枳實梔子豉湯加大黃下之

集註

成無已曰勞復則熱氣浮越與枳實梔子豉湯以解之食復則胃有宿積加大黃以下之

王肯堂曰傷寒之邪自外入勞復之邪自內發

枳實梔子豉湯方

枳實

三枚

梔子

十四枚

豉

一升

右三味以清漿水七升空煮取四升內枳實梔子煮取二升下豉更煮五六沸去滓溫分再服覆令微似汗

方解

是方也用清漿水七升空煮至四升者是欲水之熱而趨下不欲上涌作吐也下豉煮五六沸卽去滓者取其清腐之氣走表易於取汗也太陽用之以作吐勞復用之以作汗仲景用方之妙藥品雖同煎法各異故施用不同也於此可類推矣

集解

方有執曰大邪初退血氣新虛起居作勞復生餘熱乃用苦寒以發其微汗者以勞傷之復熱與初病之實熱不同倫也方中用清漿水七升空煮至四升全是欲水之熱而

趨下不至上涌作吐與太陽中篇下後身熱取吐之法不同所以覆令微似汗也

傷寒差已後更發熱小柴胡湯主之
衄浮者以汗解之
衄沉實者以下解之

註

此承上條詳言證衄以別其治也傷寒差已後更復發熱者雖有勞復食復之別然須分或宜和或宜汗或宜下之不同如衄浮有表當以汗解者用枳實梔子豉湯汗之衄沉有裏者當以下解者用枳實梔子豉加大黃湯下之衄無表裏證當和解之者用小柴胡湯和之對證施治斯爲合法

方有執口此示病後不謹調理致復之大法鯁浮有所重

魏荔彤曰大病後不宜大汗喻註謂用枳實梔鼓湯以微汗是也大病後不宜大汗喻註謂枳實梔鼓湯加大黃以微下是也然亦有不能盡該者凡於汗下之中留心其爲大病之後庶治復病而不礙於大病後也

大病差後從腰以下有水氣者牡蠣澤瀉散主之

傷寒病差後從腰以下腫者是有水氣也宜牡蠣澤瀉散

峻逐水氣恐緩則水盛必上犯陽部也

集註
成無已曰大病後脾胃氣虛不能制約腎水水溢下焦

故腰以下爲腫也金匱要畧云腰以下腫當利小便與牡蠣澤瀉散利小便而散水可也

牡蠣澤瀉散方

牡蠣熬

澤瀉

栝蒌根

蜀漆

煖水洗去腥

商陸根

熬

海藻

洗云鹹

苦葶藶

各等分熬

右七味異搗下篩爲散更入白中治之白飲和服方寸七

日三服小便利止後服

方解

水停於內外泛作腫腰以上者當汗之小青龍越婢是也腰以下者當利小便此方是也以牡蠣破水之堅澤瀉利

水之蓄海藻散水之泛枯蕒根消水之腫又以蜀漆苦華
麝商陸根辛苦有毒之品直搗其巢峻逐水氣使從大小
二便而出然此方施之於形氣實者其腫可隨愈也若病
後土虛不能制水腎虛不能行水則又當別論慎不可服
也

大病差後喜唾久不了了胸上有寒當以丸藥溫之宜理中丸

註

大病差後喜唾久不了了者胃中虛寒不能運化津液聚
而成唾故唾日久無已時也宜理中丸以溫補其胃自可
已也

集

程知曰病後陽氣不足胃中虛寒不內津液故喜唾不了

了前牡蠣澤瀉用散者欲其戀肺而下水也此理中用九者欲其溫胃而收唾也

喻昌曰身中津液因胃寒凝結而成濁唾久而不清其人必消瘦索澤故不用湯藥瀉滌而用圓藥緩圖也

張璐曰傷寒差後體虛每有遺熱故禁溫補卽間有素稟虛寒者祇宜理中圓調理未嘗輕用桂附也

傷寒解後虛羸少氣氣逆欲吐竹葉石膏湯主之

註

傷寒解後虛羸寒傷形也少氣熱傷氣也氣逆欲吐餘邪挾飲犯胃也故宜竹葉石膏湯益虛清熱以降逆氣也

集註

方有執曰病後虛羸少氣脾胃未強飲食難化則痰飲易

生飲停氣逆改欲吐也

程知曰傷寒解後津液不足則虛羸餘熱不盡則傷氣與竹葉石膏湯以調胃而去虛熱蓋前條是治病後虛寒此條是治病後虛熱也

竹葉石膏湯方

竹葉 二把

石膏 一觔

半夏 半升

人參 二兩

甘草 二兩

粳米 半升

麥冬 一升

去心

右七味以水一斗煮取六升去滓內粳米煮米熟湯成去米溫服一升日三服

解方

是方也即白虎湯去知母加入參麥冬半夏竹葉也以大寒之劑易為清補之方此仲景白虎變方也經曰形不足者溫之以氣精不足者補之以味故用人參粳米補形氣也佐竹葉石膏清胃熱也加麥冬生津半夏降逆更逐痰飲甘草補中且以調和諸藥也

病人脈已解而日暮微煩以病新差人強與穀脾胃氣尚弱不能消穀故令微煩損穀則愈

註

病人脈已解謂病脈悉解也惟日暮微煩者以病新差強食穀蚤胃氣尚弱不能消穀故令微煩不須藥也損穀自愈

集註

方有執曰強與穀謂強其進食也損者言當節減之也

喻昌曰註家牽引日暮爲陽明之王時故以損穀爲當小
下不知此論差後之證非論六經轉陽明之證也日暮卽
內經日西而陽氣已衰之意所以不能消穀也不可引前
條宿食輕用大黃重傷脾胃也

王鶴田曰此言差後強食而爲虛中之實證也病後起居
坐臥俱空聽其自然不可勉強強則非其所欲反逆其性
而不安矣不特一食也

傷寒陰陽易之爲病其人身體重少氣少腹裏急或引陰中拘
攣熱上衝胸頭重不欲舉眼中生花膝脛拘急者燒裊散主之

註

傷寒新愈之後男女不謹偶犯餘事發熱復病者謂之房勞復男以六味地黃湯主之女以四物湯主之隨證加減治之可也若犯餘事男病傳女女病傳男相易爲病謂之陰陽易其證身重少氣少腹急痛牽引陰中膝脛拘急熱氣衝胸頭重不欲舉眼中生花等證皆餘毒乘虛傳易也當以燒棍散主之

集註

王肯堂曰房勞復病謂新差之後或尙未愈而男婦相交接復病者若同陰陽易證則從陰陽易治亦有寒熱多汗頭重目眩腹中拘急百節解離經脈緩弱筋骨痠軟不能動移精髓空虛心神恍惚遷延歲月方死者宜當歸四逆

湯厥者加附子寒者加吳茱萸生薑以治之按差後男女
交合而病者若無陰陽易證而有表證則不可從陰陽易
治當從房事後犯風寒治汗吐下法皆不可輕用卽有應
汗應吐之證汗則以補中益氣湯加麻桂微汗之厥者加
炮附子吐則以補中益氣湯加淡豆豉探吐之適可卽止
總當識此爲新病之後也

方有執曰傷寒包中風而言也易猶交易變易之易言大
病新差血氣未復強合陰陽則二氣交感互相換易而爲
病也身體重少氣真元虧竭而困倦也少腹裏急或引陰
中拘攣者所易之氣內攻也熱上衝胸頭不欲舉眼中生

花者虛陽生熱而上蒸也膝脛拘急者脈亂而筋傷也棍
韜近陰處陰陽二氣之所聚也男女易用物各歸本也
喻昌曰病傷寒之人熱毒藏於氣血中者漸從表裏解散
惟熱毒藏於骨髓之中者無繇發泄故差後與不病之體
交接男病傳不病之女女病傳不病之男所以名爲陰陽
易卽交易之義也

燒棍散方

婦人中棍近隱處取燒作灰

右一味水服方寸七日三服小便卽利陰頭微腫此爲愈
矣婦人病取男子棍燒服

解男女棍襠濁敗之物也燒灰用者取其通散亦同氣相求

之義耳服後或汗出或小便利則愈陰頭微腫者是所易之毒從陰竅而出故腫也

音切

垢

音苟

拂

音弗

鬱

音熨

攣

力全切

脛

胡定切

棍

音昆同輝

御纂醫宗金鑑卷十一

訂正仲景全書傷寒論註壞病篇目錄

陽旦湯

補

甘草乾薑湯

芍藥甘草湯

麻黃升麻湯

柴胡加龍骨牡蠣湯

禹餘糧丸

缺

桂枝加桂湯更加桂

桂枝去芍藥加蜀漆龍骨牡蠣救逆湯

桂枝甘草龍骨牡蠣湯

御纂醫宗金鑑卷十一

訂正仲景全書傷寒論註

辨壞病脈證并治篇

壞病者謂不當汗而汗不當吐而吐不當下而下卽當汗吐下而過甚或當汗吐下而失時皆爲施治失宜所以成壞病也凡三陰三陽若汗若吐若下若溫鍼火熏火熨火灸火劫等法致諸壞病者有汗後亡陽眩目振惕魄汗不收有下後虛中結胸痞鞭下利不止有吐後煩亂腹滿有溫鍼失血驚狂甚至陽毒斑狂陰躁欲死神昏譫語循衣摸牀之類是也其論散見諸篇今合爲一集以便後學其

中或有掛漏是在能三反者

太陽病三日已發汗若吐若下若溫鍼仍不解者此為壞病桂
枝中與也觀其脈證知犯何逆隨證治之

註

太陽病三日邪在三陽時也若已經發汗若吐若下若溫
鍼其法備施病仍不解者此為壞病由施治失宜也此時
即有表證桂枝亦不中與當觀其脈證知所誤犯者何逆
而隨證治之不可以成法拘也

集註

方有執曰既不可定以正名則亦難以出其正治故但示
人以隨機應變之微旨一以貫之斯言盡之矣

程知曰病在太陽治之不當即成壞病故初治不可不慎

桂枝不可與以桂枝證罷也若桂枝證仍在則不謂之壞病矣

程應旂曰如汗後內陽動經渴躁譫語下後虛煩結胸痞氣吐後內煩腹脹滿溫鍼後吐衄驚狂之類紛紜錯出者俱是爲前治所壞後人切不得執成法以救逆所以前證雖屬桂枝若壞則桂枝亦不中與也觀其脈證知犯何逆隨證治之蓋欲反逆爲順也非從望聞問切上探出前後根因無從隨證用法非頭痛醫頭之爲隨證治之也吳人駒曰不得拘三日爲表病而與桂枝當依現在之變壞者而爲救治

本太陽病不解轉入少陽者脇下鞭滿乾嘔不能食往來寒熱
尙未吐下脈沉緊者與小柴胡湯若已吐下發汗溫鍼譏語柴
胡湯證罷此爲壞病知犯何逆以法治之

按

脈沉緊當是脈沉弦若是沉緊是寒實在胸當吐之診也
惟脈沉弦始與上文之義相屬故可與小柴胡湯

註

本太陽病不解而見脇下鞭滿乾嘔不能食往來寒熱等
證脈沉弦是邪轉入少陽也若未經吐下者當與小柴胡
湯解其半表半裏之邪可也其已經吐下發汗溫鍼者則
表裏俱虛更加譏語柴胡證罷此爲壞病卽小柴胡湯亦
不中與也當審其所犯何逆隨證以法治之可也

集註

成無己曰轉入少陽柴胡證也若已吐下發汗溫鍼不惟
犯少陽三禁更加溫鍼以迫劫之損耗津液胃中乾燥必
發讖語柴胡證罷者謂無脇下鞭滿乾嘔不能食往來寒
熱等證也此爲壞病

沈明宗曰太陽不解而傳少陽當與小柴胡和解乃爲定
法反以吐下發汗溫鍼以犯少陽之戒而邪熱陷入陽明
故發讖語已爲壞證要知讖語乃陽明受病卽當知犯陽
明之逆而治之若無讖語而見他經壞證須憑證憑脈另
以活法治之也

太陽病中風以火劫發汗邪風被火熱血氣流溢失其常度兩

陽相熏灼其身發黃陽盛則欲衄陰虛則小便難陰陽俱虛身
身體則枯燥但頭汗出劑頸而還腹滿微喘口乾咽爛或不大
便久則譫語甚者至臑手足躁擾捻衣摸床小便利者其人可
治

註

太陽病中風不以桂枝湯汗之而以火劫發汗故致生諸
逆也風屬陽邪被火益熱故血氣流溢失其常度也以風
火俱陽故曰兩陽熏灼熱蒸血瘀達於肌表故其身發黃
也血爲熱迫故上逆欲衄陰虛液竭故小便難陰陽虛竭
故身體枯燥陽熱熏灼陰液上越故頭汗出劑頸而還也
熱傳太陰故腹滿口燥熱傳少陰故口乾咽爛

故肺燥微喘熱結於胃故不大便愈久則熱益深故藏
藏語神明昏亂手足躁擾捻衣摸床之證見矣凡此諸壞
證推求其源皆由邪火逆亂真陰立亡多不可治然或小
便利者則陰氣尚在故猶爲可治也可不慎之於始哉

集註

成無已曰內經云諸脹腹大皆屬於熱腹滿微喘者熱氣
內鬱也經云火氣內發上爲口乾咽爛者火熱上熏也熱
氣上而不下則大便不艱若熱氣下入胃中消耗津液則
大便秘故云或不大便久則胃中躁熱必發藏語經云病
深者其聲噦火氣太甚正氣逆亂故噦經云四肢者諸陽
之本也陽盛則動故手足躁擾捻衣摸床也小便利者是

陰未竭猶可治也

喻昌曰此證陽邪挾火擾亂陰分而亡其陰與前二條亡陽證天淵懸絕觀陽盛欲衄身體枯燥諸句則知此證危急雖其陽以存一線之陰不得泥陰陽俱虛竭一語而補其陽劫其陰也且頭汗爲陽邪上壅不下通於陰所以劑頸以下不能得汗設見衄血則邪從衄解頭間且無汗矣設有汗則邪從汗解又不衄矣後條火邪深入必圖血亦身體枯燥而不得汗設有汗便不圖血矣讀古人書全要會意豈有得汗仍衄血圖血之理哉又曰仲景以小便利一端辨真陰之亡與未亡最細蓋水出高源小便利則津

液不枯肺氣不絕可知也腎以膀胱爲府小便利則膀胱之氣化行腎水未絕可知也

程應旼曰已上諸證莫非邪火逆亂真陰立亾之象推求其原一皆血氣流溢失其常度至於如此邪風被火熱之害可勝言哉此際欲治風而火勢沸騰欲治火而風邪壅遏何從治之惟利小便一法如豬苓湯類可以導熱滋乾使小便得利則太陽之邪亦從膀胱爲去路尚可治也倘利之而不利火無從出危矣

太陽病醫發汗遂發熱惡寒因復下之心下痞裏俱虛陰陽氣並竭無陽則陰獨復加燒鍼因胸煩面色青黃膚瞶者難治

今色微黃手足溫者易愈

註

太陽表病發汗已虛其表因復下之又虛其裏雖有未盡之表邪陷裏成痞但表裏俱虛陰陽並竭已成壞證矣况無陽則陰不生陰獨則陽不化而復加燒鍼火氣內攻陰陽皆病故胸滿而煩面色青黃肌膚瞤動也見證如此錯雜故為難治若面色微黃不青手足不厥而溫則為陰陽之氣未竭故曰易治也

集註

方有執曰表以誤汗言裏以誤下言故曰俱虛陰指裏陽指表無陽謂陽竭也陰獨謂病也青黃脾受尅賊之色微黃土見回生之色手足溫陽氣回於四末也言既經反覆

之誤又見尅賊之色肌膚瞶動而不寧則脾家之真陰散
爲難治也今則土見回生之色四末得溫胃家之陽復故
爲易愈也

傷寒脈浮自汗出小便數心煩微惡寒脚攣急反與桂枝湯欲
攻其表此誤也得之便厥咽中乾煩燥吐逆者作甘草乾薑湯
與之以復其陽若厥愈足溫者更作芍藥甘草湯與之其脚卽
伸若胃氣不和譫語者少與調胃承氣湯若重發汗復加燒鍼
者四逆湯主之

計傷寒脈浮自汗出中風證也小便數心煩裏無熱之虛煩
也微惡寒者表陽虛不能禦也脚攣急者表寒收引拘急

也是當與桂枝增桂加附子湯以溫經止汗今反與桂枝湯攻發其表此大誤也服後便厥者陽因汗亡也咽乾者陰因汗竭也煩燥者陽失藏也吐逆者陰拒格也故作甘草乾薑湯與之以復其陰而復其陽若厥愈足溫則是陽已復矣更作芍藥甘草湯與之以和其陰而其陽則脚卽伸也若胃不和而嘔語知爲邪已轉屬陽明當少少與調胃承氣湯令其微瀉胃和自可愈也若重發汗者謂不止誤服桂枝湯而更誤服麻黃湯也或復加燒鍼劫取其汗以致亡陽證具則又非甘草乾薑湯所能治故又當與四逆湯以急救其陽也

集註

程應旂曰脈浮自汗雖似桂枝證而頭項不痛知陽神自
歉於上部惡寒脚攣急知陰邪更勝於下焦陽虛陰盛而
裏氣上逆故有心煩證裏陰攻及表陽差訛祇在煩字上
觀結句若重發汗復加燒鍼者四逆湯主之可見陰證不
必真直中也治之一誤寒即中於治法中矣

問曰證象陽旦按法治之而增劇厥逆咽中乾兩脰拘急而譫
語師言夜半手足當溫兩脚當伸後如師言何以知此答曰寸
口脈浮而大浮爲風大爲虛風則生微熱虛則兩脰攣病形象
桂枝因加附子參其間增桂令汗出附子溫經亡陽故也厥逆
咽中乾煩躁陽明內結譫語煩亂更飲甘草乾薑湯夜半陽氣

遠兩足當熱脰尚微拘急重與芍藥甘草湯爾乃脰伸以承氣湯微澹則止其藏語故知病可愈

註

此設問答申明上條之義也桂枝證當用桂枝值時令溫熱或其人有熱用陽旦湯即桂枝湯加黃芩也值時令寒冷或其人有寒用陰旦湯即桂枝湯加乾薑也證象陽旦謂心煩似乎有熱也按法治之謂按法用陽旦湯也益心煩小便數咽中乾似乎陽旦而不審脚蹻急微惡寒之證是陰寒也即以陽旦湯攻其表誤也所以增劇厥逆咽中乾兩脰拘急藏語等壞證作也師言夜半手足當溫兩脚當伸如其言者何也答曰診脈浮大則為風虛非寒虛也

故此知用桂枝不足以治其寒而加附子溫經即有陽明
內結藏語煩亂等證渾不為意且更與甘草乾薑湯至夜
半陽回足熱脰尚微拘急即與芍藥甘草湯以和其陰爾
乃脰伸繼以承氣治其陽明內結故微瀉而藏語止其病
可愈矣是皆由於救之得法耳

陽旦湯方補

桂枝三錢

芍藥二錢
酒焙

甘草二錢
炙

黃芩三錢
酒炒

生薑三片

大棗二枚
擘

右水煎去滓溫服無時日二三服本方加乾薑名陰旦湯

甘草乾薑湯方

甘草

四兩炙

乾薑

二兩炮

右二味以水三升煮取一升五合去滓分溫再服

芍藥甘草湯方

芍藥

四兩

甘草

四兩炙

右二味以水三升煮取一升五合去滓分溫再服

傷寒吐下後發汗虛煩脈甚微八九日心下痞鞭脇下痛氣上衝咽喉眩冒經脈動惕者久而成痿

按

八九日心下痞鞭脇下痛氣上衝咽喉三句與上下文義

不屬必是錯簡註家因此三句皆葛衍支離牽強註釋不

知此證總因汗出過多大傷津液而成當用補氣補血

筋壯骨之藥經年始可愈也

註傷寒吐下後復發其汗治失其宜矣故合陽氣陰液兩虛也陰液虛故虛煩陽氣虛故脈微陽氣微而不升故目眩冒陰液虛而不濡故經脈動惕也陽氣陰液虧損久則百體失所滋養故力乏筋軟而成痿矣

傷寒六七日大下後寸脈沉而遲手足厥逆下部脈不至咽喉不利唾膿血泄利不止者爲難治麻黃升麻湯主之

註傷寒六七日邪傳厥陰厥熱勝復之時言不詳審陰陽而大下之致變中寒下竭之壞證中寒故寸脈沉遲手足厥逆下竭故尺脈不至泄利不止也蓋未下之前陽經尚伏

表熱大下之後則其熱乘虛下陷內犯厥陰厥陰經循喉
嚨貫膈注肺故咽喉不利唾膿血也此爲陰陽錯雜表裏
混淆之證若溫其下恐助上熱欲清其上愈益中寒仲景
故以此湯主之正示人以陰陽錯雜爲難治當於表裏上
下求治法也蓋下寒上熱固爲難治裏寒無汗還宜解表
故用麻黃升麻湯以解表和裏清上溫下隨證治之也

集註

程知曰言厥逆有因於誤下致變者也凡傷寒熱熾者其
陰必虛六七日雖當傳裏之時設表證仍在而大下之則
陰傷而陽亦陷寸脈沉遲手足厥冷下利不止傷其陽而
氣內陷也下部脈不至咽喉不利吐膿血傷其陰而熱內

通也一下之寒既傷其陽復傷其陰故難治與麻黃升麻湯以升陽利下消熱滋陰蓋傳經熱邪從外入於內者仍當從內出於外也故曰汗出愈

喻昌曰寸脈沉而遲明是陽去人陰之故非陽氣衰微可擬故雖手足厥冷下部脈不至泄利不止其不得為純陰無陽可知况咽喉不利唾膿血又陽邪搏陰上逆之徵驗所以仲景特於陰中提出其陽得汗出而錯雜之邪盡解矣

麻黃升麻湯方

麻黃

二兩半
去節

升麻

一兩一分

當歸

一兩一分

知母 十八銖

黃芩 十八銖

萎蕤 十八銖

石膏 六銖
碎綿裹

白朮 六銖

乾薑 六銖

芍藥 六銖

天冬 六銖
去心

桂枝 六銖

茯苓 六銖

甘草 六銖

右十四味以水一斗先煮麻黃一二沸去上沫內諸藥煮

取三升去滓分溫三服相去如炊三升米頃令盡汗出愈

方解下寒上熱若無表證當以黃連湯為法今有表證故復立

此方以示隨證消息之治也升麻萎蕤黃芩石膏知母天

冬乃升舉走上清熱之品用以遏下寒且以滋上也麻黃

桂枝乾薑當歸白芍白朮茯苓甘草乃辛甘走外溫散之

而用以上熱已以和內也分溫三服令盡汗出愈其意
在緩而正不傷微邪而盡除也脈雖寸脈沉遲尺脈不至
證雖手足厥逆下利不止究之原非純陰寒邪故兼咽啞
痛腫膿血之證是寒熱混淆陰陽錯雜之病皆因大下奪
中所變故仲景用此湯以去邪為主邪去而正自安也
傷寒八九日下之胸滿煩驚小便不利譫語一身盡重不可轉
側者柴胡加龍骨牡蠣湯主之

註

傷寒八九日邪不解表不盡不可下也若下之其邪乘虛
內陷在上者輕則胸滿重則結胸胸滿者熱入於胸氣壅
塞也在中者輕則煩驚重則昏狂煩驚譫語者熱乘於心

神不寧也在下者輕則小便不利重則少腹滿痛小便不利者熱客下焦水道阻也邪壅三焦則榮衛不行水無去路則外滲肌體故一身盡重不可轉側也以柴胡加龍骨牡蠣湯主之其大意在和解鎮固攻補兼施也

按

此條乃陽經濕熱之身重若以爲津亡血滯陽氣不能宣布陰經濕寒之身重則誤矣寒濕身重用真武湯桂枝附子湯以不渴裏無熱也熱濕身重用白虎湯柴胡加龍骨牡蠣湯以譫煩胃有熱也其風濕風溫身重亦不外乎兼寒兼熱故此湯中用苓半大黃爲佐也

集註

方有執曰胸滿者下後裏虛外熱入裏挾飲上搏於膈所

以煩也驚傷心心藏神而居膈正虛邪勝所以不寧一身
盡重不可轉側者傷寒本一身疼痛亡津液而血滿不利
故變爲沉滯而重甚也

程知曰下而心煩腹滿治以梔櫟爲邪入腹也下而胸滿
煩驚治以龍牡爲邪入心也因火劫而致煩驚治以桂枝
龍牡挽心陽之外越也因下而致煩驚治以柴胡龍骨牡
蠣解心陽之內塞也大小陷胸以高下緩急別之諸瀉心
湯以寒熱虛實辨之半苓治痰苓連降逆梔鼓湧虛煩參
附回陽虛下後大法備於斯矣

喻昌曰八九日過經乃下之可謂慎矣孰知外邪未盡乘

虛而陷邪方在表裏其患已及於神明於此而補天浴日豈復易易

張璐曰此係少陽之裏證諸家註作心經病誤也蓋少陽有三禁不可妄犯雖八九日過經下之尚且邪氣內犯胃土受傷膽木失榮痰聚膈上有如是之變故主以小柴胡和解內外逐飲通津加龍骨牡蠣以鎮肝膽之驚也

柴胡加龍骨牡蠣湯方

柴胡

四兩

半夏

二合洗

龍骨

一兩半

人參

一兩半

大黃

二兩

牡蠣

一兩半

茯苓

一兩半

鉛丹

一兩半

桂枝

一兩半

生薑

一兩半

大棗

二枚

右十一味以水八升煮取四升內大黃切如棊子更煮一

二沸去滓溫服一升

方解是證也為陰陽錯雜之邪是方也亦攻補錯雜之藥柴桂

解未盡之表邪大黃攻已陷之裏熱人參薑棗補虛而和胃茯苓半夏利水而降逆龍骨牡蠣鉛丹之澁重鎮驚收心而安神明斯為以錯雜之藥而治錯雜之病也

汗家重發汗必恍惚心亂小便已陰痛與禹餘糧丸

按

禹餘糧丸為清瀉之藥與此證不合與禹餘糧丸五字行

文也

註

汗家謂平素好出汗之人也重發汗謂大發汗也心主血汗乃心之液重發其汗血液大傷心失所恃故神情恍惚心志不寧也液竭於下宗筋失養故小便已陰莖疼也

集註

方有執曰心主血而藏神汗多則血虛而舍空恍惚心亂者以舍空神紛散也陰宗筋也痛者液竭而失其所榮養也

程應旌曰心主血汗者心之液平素多汗之家心虛血少可知重發其汗遂至心失所養神恍惚而多忡悸之象此之謂亂小腸與心為表裏心液虛而小腸之水亦竭故小便已而陰痿也

衄家不可發汗汗出必額上陷脈緊急目直視不能瞬不得眠

註

衄家者該吐血而言也謂凡衄血吐血之人陰氣暴亡若

再發其汗汗出液竭諸脈失養則額角上陷中之脈爲熱所灼故緊且急也目直視目瞪不轉睛也不能瞬目眈不合也亦皆由熱灼其脈引縮使然不得眠者陽氣不能行於陰也凡此所見之病皆陽盛陰微之危證誰謂衄家可輕發其汗耶

集註

喻昌曰目得血而能視汗爲血液衄血之人清陽之氣素

傷更發其汗則額上必陷乃上焦枯竭之應也諸脈皆屬於目筋脈緊急則目上瞪而不能合目不合則不得眠也

傷寒發煩目瞋者必衄宜麻黃湯發其汗此言素常失血之人戒發其汗以重虛其虛故也

亡血家不可發汗發汗則寒慄而振

註

凡失血之後血氣未復爲亡血虛家皆不可發汗也蓋失血之初固屬陽熱然亡血之後熱隨血去熱固消矣而氣隨血亡陽亦危矣若再發汗則陽氣衰微力不能支故身寒慄慄振振聳動所必然也蓋發陰虛之汗汗出則亡陰卽發暴吐衄血之汗也故見不能眴不得眠亡陰等病也發陽虛之汗汗出則亡陽卽發亡血虛家之汗也故見寒慄而振亡陽等病也

集註

方有執曰亡血陰已虛矣發汗復亡其陽故寒慄而振也
程應旆曰亡血陰虛陽已失依若發其汗陽從外脫故寒
慄而振是為陰陽兩竭凡遇當汗證便當顧慮陰經之榮
血有如此者

魏荔彤曰與其汗出亡陽方救陽何如汗未出先救陰以
維陽不令汗出亡陽之為愈也

咽喉乾燥者不可發汗

註

咽喉乾燥津液不足也更發其汗則津液益枯故戒人雖
有可汗之證亦不可發汗也

集註

方有執曰咽喉乾燥津液素虧本於腎水不足蓋少陰之

脈循喉嚨也發汗則津液愈亡

程應旂曰凡遇可汗之證必當顧慮上焦之津液又有如此者

張璐曰此條與咽中閉塞似同實異此戒發汗以奪陽明之津彼戒發汗以奪少陰之血也

淋家不可發汗發汗則便血

註

淋家者濕熱蓄於膀胱水道澀痛之病也若發其汗濕隨汗去熱必獨流水府告匱迫其本經之血從小便而出矣

集註

程知曰膀胱裏熱則淋更發其汗則膀胱愈燥而小便血矣

瘡家雖身疼痛不可發汗發汗則瘥

註

瘡家初起毒熱未成法當汗散已經潰後血氣被傷雖有身痛膿汗表證亦不可發汗恐汗出榮衛愈虛外風乘襲卽不受外風筋失液養亦必致項強反張而成瘥病也

集註

喻昌曰身疼痛爲寒傷榮之證本當發汗瘡瘍之人肌表素虛榮血暗耗更發其汗則外風襲虛內血不榮必致頸項強身反張而成瘥瘥亦膀胱之病也

太陽傷寒者加溫鍼必驚也燒鍼令其汗鍼處被寒核起而赤者必發奔豚氣從少腹上衝心者先灸核上各一壯與桂枝加桂湯更加桂

註

太陽傷寒加溫鍼必驚者謂病傷寒之人卒然加以溫鍼其心畏而必驚也非溫鍼之後必生驚病也燒鍼即溫鍼也燒鍼取汗亦是汗法但鍼處空當避寒若不謹慎外被寒襲火鬱脈中血不流行必結腫核赤起矣且溫鍼之火發爲赤核又被寒侵故不但不解反召陰邪蓋加鍼之時心既被驚所以腎陰乘心之虛上凌心陽而發奔豚也奔豚者腎陰邪也其狀氣從少腹上衝於心也先灸核上各一壯者外去寒邪繼與桂枝加桂湯更加桂者內伐腎邪也

桂枝加桂湯方

於桂枝湯方內更加桂二兩成五兩餘依桂枝湯法

集解

徐彬曰此乃太陽風邪因燒鍼令汗復感於寒邪從太陽

之府膀胱襲入相合之腎藏而作奔豚故仍從太陽之例
用桂枝全方倍加桂者以內瀉陰氣兼驅外邪也

太陽病以火熏之不得汗其人必躁到經不解必圜血名爲火
邪

註

火熏古劫汗法也卽今火炕溫覆取汗之法太陽病以火
熏之不得汗其人必內熱躁甚陰液愈傷陽不得陰無從
化汗故反致不解也其火襲入陰中傷其陰絡迫血下行
故必圜血也命名火邪示人以當治火邪不必治圜血也

集註

方有執曰躁手足疾動也到猶言反也謂徒躁擾而反不得解也汗爲血之液血得熱則行火性大熱旣不得汗則血必橫溢所以必固血也

程應旌曰太陽病以火熏之取汗竟不得汗其液之素少可知蓋陽不得陰則無從化汗也陰虛被火熱無從出故其人躁擾不寧也

衄浮熱甚反灸之此爲實實以虛治因火而動故咽燥而吐血

註

衄浮熱甚實熱在表也無灸之之理而反灸之此爲實實謂其誤以實爲虛也故熱因火動其勢炎炎致咽燥而吐血必矣蓋上條火傷陰分迫血下行故令固血此條火傷

陽分迫血上行故吐血也

集註

程應旂曰表實有熱誤認虛寒而用灸法熱無從泄因火而動自然內攻邪束於外火攻於內肺金被傷故咽燥而吐血

汪琥曰表有風熱而反灸是以實作虛治也

微數之脈甚不可灸因火為邪則為煩逆追虛逐實血散脈中火氣雖微內攻有力焦骨傷筋血難復也

註

微數之脈乃陰虛血少之診斷不可灸若誤灸之艾火內攻為煩為逆煩者陰為陽擾也逆者追虛逐實也陰本虛而加以火則愈虛是為追虛陽本實而加以火則愈實是

爲逐實然血已耗散脈中艾火之氣雖微而內攻有力矣
故致焦骨傷筋血雖復也

集註

喻昌曰脈微而數陰虛多熱之徵也此而灸之則虛者愈
虛熱者愈熱不致傷殘不止矣

程應旂曰若血少陰虛之人脈見微數尤不可灸以血主
濡之主潤筋骨也若失其所濡則火之所至其骨必焦其
筋必損內傷其陰未有不流散於經脈者也

榮氣微者加燒鍼則血留不行更發熱而躁煩也

註

榮氣微者榮血虛微也榮血既已虛微若誤加燒鍼則榮
血澗留而無所行也豈止焦骨傷筋而已哉所以更發熱

而煩也

集註程知曰言榮微忌燒鍼也陰虛則內熱若加燒鍼以助陽

則兩熱相合而榮血不行必更外發熱而內煩躁也

唐不嚴曰其始也雖微流燒鍼以逼之也其既也留而不
行燒鍼以竭之也

張璐曰火爲陽邪必傷陰血治此者當以救陰爲主

脈浮空以汗解用火灸之邪無從出因火而盛病從腰以下必
重而痺名火逆也

註

脈浮表邪空以汗解誤用火灸傷其血液不能作汗反令
表邪無所從出以致邪因火盛外不焦骨傷筋肉不吐衄

圍血而病腰以下重痺者必其人素有濕邪在下故從濕化也重者著也重著不移也然不以痺名者以非風寒濕之痺乃因火逆不相關故名火逆也

集註

方有執曰痺濕病也因火逆治火邪夾陽邪而上逆陽不下通陰不用事化不行而水不得泄故濕著下體而重痺也

程應旆曰脈浮在表汗解爲空矣因火灸之不能得汗則邪無出路因火而盛卽不焦骨傷筋而火阻其邪陰氣漸竭下焦乃榮血所治榮氣竭而不運必重著而爲痺名曰火逆示人欲治其痺宜先治其火也

形作傷寒其脈不弦緊而弱弱者必渴被火者必譫語病者發熱脈浮解之當汗出愈

抄

三弱字當俱是數字若是弱字熱從何有不但文義不屬且論中竝無此說

註

形作傷寒者言其病形作傷寒之狀也但其脈不弦緊而數數者熱也脈浮數熱在表太陽證也沉數熱在裏陽明證也數脈爲熱熱入陽明故必口渴若被火劫其熱更甚故必譫語脈數之病雖皆發熱然其施治不無別焉若脈浮數發熱解之當以汗汗出可愈宜大青龍湯脈沉數發熱解之當以下下之可愈宜調胃承氣湯若脈數無表裏

證惟發熱而渴譫語者不可汗下宜白虎湯黃連解毒湯清之可也

傷寒脈浮醫以火逼劫之亡陽必驚狂起臥不安者桂枝去芍藥加蜀漆龍骨牡蠣救逆湯主之

註

傷寒脈浮醫以火劫取汗汗過亡陽故見驚狂起臥不安之證蓋由火劫之誤熱氣從心且大脫津液神明失倚也然不用附子四逆輩者以其爲火劫亡陽也宜以桂枝湯去芍藥加蜀漆龍骨牡蠣救逆湯主之去芍藥者恐其陰性遲滯兼制桂枝不能迅走其外反失救急之旨况既加龍蠣之固脫亦不須芍藥之酸收也蜀

漆氣寒味苦寒能勝熱苦能降逆火邪錯逆在所必需也

集註

喻昌曰篇中誤服大青龍湯厥逆筋惕肉瞤而亡陽者乃

汗多所致故用真武湯救之此以火迫劫而亡陽者乃方寸元陽之神被火迫劫而飛騰散亂故驚狂起臥不安有如此者少緩須臾神丹莫挽矣故以此湯救之蓋陽神散亂當求之於陽桂枝湯陽藥也然必去芍藥之陰斂始得疾趨以達於陽位更加蜀漆者緣蜀漆之性最急又加龍骨牡蠣有形之骨屬爲之舟楫以載神而返其宅也

桂枝去芍藥加蜀漆龍骨牡蠣救逆湯方

桂枝

三兩

甘草

二兩

生薑

三兩切

牡蠣

五兩 熬

龍骨

四兩

大棗

十二枚 擘

蜀漆

三兩 洗去脚

右爲末以水一斗二升先煮蜀漆減二升內諸藥煮取三升去滓溫服

火逆下之因燒鍼煩躁者桂枝甘草龍骨牡蠣湯主之

註

火逆者謂凡火劫取汗致逆者也此火逆因火鍼也燒鍼劫汗而復下之火逆之邪雖因下減而煩躁一證獨不除者蓋因汗下大傷津液而然也故用桂枝甘草以救表龍骨牡蠣以固中不治煩躁而煩躁自愈也

集

喻昌曰此證誤而又誤雖無驚狂等變然煩躁則外邪未

盡之候亦直陽欲亡之機也

程應旆曰火逆下之裏氣虛矣不治其虛更加燒鍼自致
亡陽但見煩躁證而不盡如前條之驚狂起臥不安者由
熱勢之緩急有殊故前方之加減稍異總不容煩躁之以
假亂真也

桂枝甘草龍骨牡蠣湯方

桂枝 一兩

甘草 二兩

龍骨 二兩

牡蠣 二兩

熬

右四味爲末以水五升煮取二升半去滓溫服八合日三
服

集註

汪琥曰此方即桂枝去芍藥加蜀漆龍骨牡蠣救逆湯制

小其劑而用之也火邪迫內則生煩躁雖煩躁似帶表邪
不妄散以桂枝之辛熱而火逆既經下之則陰血受傷較
之救逆湯似當增芍藥也

音切

灼

音前 摸末各切

痿

烏魁切

唾

湯臥切

炊

音吹

去

音許

胸

與旬同

御纂醫宗金鑑卷十二

訂正仲景全書傷寒論註溫病篇方無

御纂醫宗金鑑卷十二

訂正仲景全書傷寒論註

辨溫病脈證并治篇

內經言熱病皆傷寒之類也非謂類乎傷寒乃謂與傷寒
同乎一類之病也蓋傷寒因傷時令之寒而得名也溫病
熱病亦隨時而易其名耳經曰冬傷於寒春必病溫此過時而病者也
時而病者也經曰冬傷於寒春必病溫此過時而病者也
經曰凡病傷寒而成溫者先夏至爲病溫後夏至爲病暑
暑卽熱之謂也此隨時而病者也是則秋分已前皆得以
熱病名之秋分已後皆得以傷寒名之矣此軒岐仲景立

傷寒溫病熱病之名義也經又云藏於精者春不病溫此明過時不病之原也經曰冬不藏精春必病溫此明過時必病之故也於此可知傷寒爲病不在精之藏與不藏而但有觸犯卽得爲病非若溫病熱病藏精則不病不藏精則必病也但能藏精者縱偶感於邪或溫或暑其病自輕不藏精者雖微感其邪或溫或暑其病必重差爲稍異耳若專以冬不藏精毫無外感爲少陰本病熱從內生則悖仲景溫病之旨矣仲景論中但言太陽初病發熱而渴不惡寒者爲溫病辨其非傷寒非謂太陽之寒不由表入竟從少陰之熱內生爲病也經又曰風溫爲病脈陰陽俱浮

是明指溫病之發因感春風輒動內熱而始發所以陰陽
脈俱浮也蓋以溫病風溫與熱病論互發其義但熱病一
論經已昭然若復立論未免贅疣非仲景詳於傷寒而畧
於溫證也今將伏氣溫病風溫合爲一篇其溫熱治法同
於六經讀者再細玩素問熱病論及刺熱評熱諸論與是
論互相參考自有得焉

師曰伏氣之病以意候之今月之內欲有伏氣假令舊有伏氣
當須脈之若脈微弱者當喉中痛似傷非喉痺也病人云實咽
中痛雖爾今復欲下利

註
四時令氣正氣也非時之氣邪氣也正氣之中人也淺感

之甚者卽病微者藏在肌膚不卽爲病壯實之人可以自
已邪氣之中人也深感之雖微亦卽爲病甚則直入於藏
不能自已虛者死焉此篇所謂伏氣之病卽四時令氣正
病非四時不正之邪與非常異氣之疫邪也所爲伏氣者
如感冬令之風寒其重者傷於榮衛卽時而發者名爲中
風傷寒是也其感之輕者伏藏於肌膚過時而發名爲溫
病是也故時氣伏氣之爲病二者不可不辨焉春三月名
曰發陳是伏氣欲發之月也假令舊有伏氣之人乘冬不
藏精之隙而病者當須以脈識之今月之內初病傷寒溫
病者脈若微弱是少陰脈也若喉中痛是少陰證也然其

痛必緩非若外感時氣之喉痺腫傷暴痛也今既云實咽
中痛而脈又微弱故知爲少陰伏氣內發之陰火也雖爾
咽痛恐復欲下利不可以時氣外感陽火之喉痺治之也
集註張錫駒曰此條言伏氣之病由內而出非若時行卒病由
外而至也

太陽病發熱而渴不惡寒者爲溫病發汗已身灼熱者名風溫
風溫爲病脈陰陽俱浮自汗出身重多眠睡鼻息必鼾語言難
出若被下者小便不利直視失溲若被火者微發黃色劇則如
驚癇時瘳瘳若火熏之一逆尚引日再逆促命期

註發熱不渴惡寒者太陽證也發熱而渴不惡寒者陽明證

也今太陽病始得之不俟寒邪變熱轉屬陽明而即熱渴
不惡寒者知非太陽傷寒乃太陽溫病也由於膏粱之人
冬不藏精辛苦之人冬傷於寒內陰已虧外陽被鬱周身
經絡早成溫化所以至春一遇外邪即從內應感寒邪者
則無汗名曰溫病當以河間法用水解散審其表裏以解
之水解散即天水六一散防風通聖之合劑也感風邪者
則有汗名曰風溫當以水解散減麻黃加桂枝倍石膏令
微似汗以和之若大發其汗則益助蘊熱必令身熱如火
灼也蓋風溫爲病乃風邪外盛於表故陰陽六脈俱浮熱
邪內壅於胸故多眠睡鼻息鼾也風邪傷衛表氣不固故

自汗出壯熱傷氣故身重倦聲微語難出也若被下者則
愈奪陰液故水泉竭而小便不利也太陽府氣將絕故口
直視也少陰藏氣不固故遺矢溲也若被火者則以火益
火而陽氣熏灼將欲發黃故微發黃也劇者熱極生風故
如驚癇時瘈瘲也微黃病深色漸加黑故若火熏之也溫
病熱病不惡寒者表熱也口渴引飲者裏熱也表熱無寒
故不宜汗裏熱無實故不宜下表裏俱熱尤不宜火曰一
逆者若汗若下若火也再逆者汗而復下下而復火也一
逆已令陰竭尚可延引時曰再逆則陰立亡故曰促命期
也傷寒者傷冬月之正寒也溫病熱病者傷三時之暴寒

也非時暴寒乃異氣也以其兼令氣而爲病也故春兼風
溫卽以風溫名之夏兼暑熱卽以暑熱名之世人通名曰
傷寒又名曰時氣醫工見其傳變六經表裏情狀皆同故
同乎一治也其溫病熱病無汗者宜大青龍湯時無汗時
有汗者宜桂枝二越婢一湯有汗者宜桂枝合白虎湯內
熱者防風通聖散表實者倍麻黃裏實者倍大黃量其病
之輕重藥之多少而解之三日之前未有不愈者其有外
感邪重內早傷陰已經汗下而不愈者則當審其表裏隨
其傳變所見之證治之可也此法惟西北二方四時皆可
行之無不隨手取效若江淮間地偏煖處冬月初春乃可

用之若春末秋前卽鯁證允合當用麻桂青龍等湯者亦必輕而減之隨證消息適可卽止慎不可過過則反致變逆經所謂同病異治者此之謂也

集註

程知曰溫病熱自內出故發熱而渴不惡寒風溫內外交熱加之自汗故有身重多眠諸證有輕重死生之分醫者當以有汗無汗爲辨別之大要亦卽以可汗不可汗爲救治之微權又曰仲景之青龍白虎神矣得此意而推廣之可以應用於不窮蓋溫病宜於發散中重加清涼風溫不可於清涼中重加發散也

程應旄曰太陽初得之一日卽發熱而渴不惡寒者因邪

氣早已內蓄其外感於太陽特其發端耳其內蓄之熱固
非一朝一夕矣蓋自冬不藏精而傷於寒時腎陰已虧一
交春陽發動卽病未發而周身經絡已莫非陽盛陰虛之
氣所布濩所云至春發爲溫病者蓋自其胚胎受之也

音切

𦵏

音旱

癰

音開

癰

音熾

癰

音蹤

御纂醫宗金鑑卷十三

訂正仲景全書傷寒論註症濕暘病篇目錄

桂枝加葛根湯

桂枝附子去桂枝加白朮湯

甘草附子湯

御纂醫宗金鑑卷十三

訂正仲景全書傷寒論註

辨瘧濕暍病脈證并治篇

經云諸瘧項強皆屬於濕又云諸暴強直皆屬於風論曰
太陽病發汗太多因成瘧夫六氣皆足以致瘧不專在濕
也六經皆有瘧證亦不專在太陽一經也蓋身以後屬太
陽凡頭項強急項背八八脊強反張腰似折髀不可以曲
胸如結皆太陽瘧也身以前屬陽明頭面動搖口噤齒齬
缺盆紐痛脚攣急皆陽明瘧也身之側屬少陽口眼喎邪
手足牽引兩脇拘急半身不遂皆少陽瘧也至若腹內拘

急因吐利後而四肢攣急者未嘗非太陰瘧也惡寒踈臥
尻以代踵脊以代頭俯而不能仰者未嘗非少陰瘧也羣
九上升宗筋下注少腹裏急陰中拘攣膝脛拘急者未嘗
非厥陰瘧也大抵瘧以狀名而瘧因筋急故凡六經筋病
皆得以瘧稱之其因於風寒者必發熱惡寒而無汗其蠛
浮緊其狀身強直而口蹠卽經所云諸病強直皆屬於風
者也其勢勁急故名曰剛瘧其因於風濕者發熱汗出不
惡寒其蠛浮緩其狀項強八八而身不强直卽經所云諸
瘧項強皆屬於濕者也其勢濡弱故名曰柔瘧若夫因誤
汗亡陽津竭無以養筋而致瘧者卽本論所云太陽病發

汗太多而成瘧又非因濕因風而却因燥者也蓋瘧之始
本非正病多雜於他病之中如婦人之脫血跌撲之破傷
俱能致瘧今見患此者悉指爲風殊非確論學者當於證
中審察風寒濕燥內外虛實之因分別施治庶不致悞慎
勿誤指爲風也

傷寒所致太陽病瘧濕暍此三種宜應別論以爲與傷寒相似
故此見之

按傷寒所致四字甚無所謂衍文也

註傷寒太陽經中之一病非謂太陽經惟病傷寒也蓋以六
氣外感之邪人中傷之者未有不由太陽之表而入者也

痙風邪也濕濕邪也暍暑邪也夫風寒暑濕之病固皆統屬太陽然痙濕暍三種雖與傷寒形證相似但其爲病傳變不同故曰宜應別論也

集註

方有執曰痙濕暍三者皆風寒之變證旣成變證則當別爲立論然自風寒變來本屬太陽猶有風寒涉似之疑須當併爲辨論

病身熱足寒頸項強急惡寒時頭熱面赤曰衄赤獨頭面摧卒口噤背反張者痙病也

註

病人身熱惡寒太陽證也頸項強急而赤曰衄赤陽明證也頭熱陽鬱於上也足寒陰凝於下也太陽之衄循背上頭

陽明之筋上挾於口風寒客於二經則有頭搖口噤反張拘強之證故名瘕病也

集註

方有執曰此以瘕之具證言身熱頭熱面赤口脈赤陽邪發於陽也足寒陰邪逆於陰也獨頭面搖風行陽而動於上也卒忽然也噤寒而口閉也言忽然唇口脰合噤急而飲食不通也背反張者太陽之脈挾背寒則筋急而拘攣熱則筋緩而縱弛也然剛柔二瘕則各見證之一偏惟風寒俱有而致證者則具見也

鄭重光曰此總論瘕之經俞皆病氣血併傷而爲強急反張之證也風濕俱有故爲瘕之具證也

太陽病發熱脈沉而細者名曰瘕

註

太陽病發熱脈當浮大脈若沉細兼少陰也今發熱脈沉細而名曰瘕者何也以其已病瘕證而得沉細脈不可名太陽少陰傷寒之脈當名太陽風濕瘕病之脈也因風邪鬱於陽故病發熱也濕邪凝於陰故脈沉細也此承上條瘕病得沉細脈之義非謂太陽病發熱脈沉細卽名之曰瘕病也

集註

方有執曰發熱太陽未除也沉寒也細濕也

程知曰脈沉細法宜救裏而瘕又爲燥熱之病故金匱謂難治謂未可輕同於太陽發熱脈反沉之例也

張璐曰發熱脈常浮數而反沉細知邪風爲濕氣所著所以身雖發熱而脈不能浮數是陽證見陰脈故金匱指爲難治也

程應旂曰瘧病有同有獨固以其獨者名之矣然脈在太陽更有獨而無同以頭面搖口噤背反張之證合沉細之脈雖有太陽發熱等證不致爲傷寒所淵乃可定其名曰瘧也

太陽病發熱無汗反惡寒者名曰剛瘧太陽病發熱汗出而不惡寒名曰柔瘧

按反惡寒之反字衍文也剛瘧證應惡寒非反也

註

瘧病既屬太陽當以太陽虛實例之故曰太陽病發熱無汗惡寒爲實邪名曰剛瘧發熱汗出不惡寒爲虛邪名曰柔瘧此詳中上二條瘧病虛實非謂太陽病發熱無汗惡寒汗出不惡寒卽名之曰剛柔瘧病之證也

集註

程知曰太陽病發熱無汗惡寒爲傷寒發熱汗出惡風爲傷風發熱汗出不惡寒爲溫熱以證有頸項強急甚則反張故不謂之風寒溫熱病而謂之瘧也

張璐曰金匱云太陽病無汗而小便反少氣上衝胸口噤不能言欲作剛瘧葛根湯主之卽是申明此條之義而補其治法也無汗而小便少者以太陽陽明二經之熱聚於

胸中延傷肺金清肅之氣內外不能宣通故也又云太陽病其證備身軀強八八然脈反沉遲此爲瘧枯瘦桂枝湯主之卽是申明此條之義而補其治法也其證備則發熱汗出等證全略已詳不必贅矣

太陽病項背強八八無汗惡風葛根湯主之

註

此畧其證脈單舉瘧之頸項強急者以明其治也太陽脈下項循肩挾脊陽明脈循喉嚨入缺盆貫膈下乳內廉太陽主後前合陽明陽明主前後合太陽今邪壅於二經之中故有八八拘強之貌也太陽之強不過頸項強此瘧之強則不能俯仰項連胸背而俱強故曰項背強八八也無

汗惡風實邪也宜葛根湯發之即桂枝湯加麻黃葛根兩解太陽陽明之邪也

集註

方有執曰八八為之短羽者動則引頸八八然形容病人之頸項俱病者僂仰不能自如之貌

太陽病項背強八八反汗出惡風者桂枝加葛根湯主之

註

太陽病項背強八八無汗惡風者實邪也今反汗出惡風者虛邪也宜桂枝加葛根湯解太陽之風發陽明之汗也

集註

汪琥曰太陽病而項背強矣復八八然頸不得舒頸之經屬陽明項背與頸八八然其狀當無汗今反汗出惡風仲景法太陽病汗出惡風者桂枝湯主之今因其八八然故加

葛根於桂枝湯以兼祛陽明經之風也

桂枝加葛根湯方

於桂枝湯內加葛根三兩餘依桂枝湯法

太陽病發汗太多因致瘧

註

已上論瘧皆外感風寒濕而為病也若太陽病發汗太多津液太亡表氣不固邪風乘虛而入因成瘧者乃內虛之所致也不可以未瘧剛瘧例之宜以桂枝加附子湯以固表祛風為主治由此推之凡病出汗過多新產亡血過多而變生此證者皆類此也

集

程應旂曰卽此一端推之則知此病得之亡津亡血而因

虛致寒因虛致燥者不少蓋陽氣者柔則養筋發汗太多則亡其陽而損其經脈之血液故也

濕家之爲病一身盡疼發熱身色如似熏黃

註

濕家謂病濕之人濕之爲病或因外受濕氣則一身盡痛或因內生濕病則發熱身黃若內外同病則一身盡痛發熱身色如熏黃也熏黃者濕盛之發黃屬脾之痰濕故其色暗如煙熏也

不似傷寒熱盛之發黃屬陽明之鬱熱故其色明如橘色也

集註

張璐曰濕證發黃須分陰陽表裏陽濕在裏茵陳蒿湯在表麻黃連軀士亦小豆湯陰濕在裏白朮附子湯在表麻黃

白朮湯此陰濕在表而發黃也金匱有云濕家身煩痛可
與麻黃加朮湯蓋寒與濕合不宜大汗故加白朮以麻黃
得朮則汗不致於驟發白朮得麻黃則濕滯得以宣通也
濕家病身上疼痛發熱面黃而喘頭痛鼻塞而煩其脈大自能
飲食腹中和無病病在頭中寒濕故鼻塞內藥鼻中則愈

註

此申上條詳其證出其脈以別其治也濕家病身上疼痛
發熱面黃而喘此內生外受之濕病也外宜羌活勝濕湯
內宜茵陳五苓散喘甚大陷胸丸若更頭痛鼻塞而煩其
脈大證類傷寒但其人裏和能食知非傷寒不可發汗乃
濕邪之病在頭故頭痛鼻塞惟宜納藥鼻中取黃水從涕

出自可愈也所納之藥卽瓜蒂散類也

集註

鄭重光曰身上疼痛發熱而黃而喘頭痛鼻塞則寒濕之邪客於上焦經曰因於濕首如裹是也用瓜蒂散吹鼻此在上者因而越之之法也

太陽病關節疼痛而煩脈沉而細者此名濕痺濕痺之候其人小便不利大便反快但當利其小便

註

濕家脈浮細濕在外也當汗之今太陽病關節疼痛而煩小便不利大便反快脈不浮細而沉細是濕邪內盛而爲濕痺不通之候也故但當利其小便使濕從小便而去乃濕淫於內之正治也

集註

成無已曰濕盛則濡泄小便不利大便反快者濕氣內流也但當利其小便以宣泄腹中濕氣古云治濕不利小便非其治也

方有執曰此以濕之入裏者言也關節疼痛者寒濕之氣走注內滲所以脈沉而細也痺以疼痛言小便不利大便反快者濕即水水不外滲則橫流不遵故道利其小便者導其遵故道而行也

張志聰曰關節者腰背肘膝之大關大筋之所統屬不同於骨節也濕流關節大筋不和故疼痛痺閉也濕傷太陽筋脈澁滯故名濕痺利其小便則水道行而決瀆無愆濕

邪去而筋脈調和矣

濕家其人但頭汗出背強欲得被覆向火若下之早則噦胸滿小便不利舌上如胎者以丹田有熱胸中有寒渴欲得水而不能飲口燥煩也

註

濕家但頭汗出乃濕氣上滲之汗非陽明之熱不得越也
濕家背強乃濕氣澁滯之重強非痙病之拘強也欲得覆被向火非外惡寒乃濕盛生內寒也若誤以濕滲之頭汗爲陽明瘵熱之頭汗而下之寒濕之氣乘虛入胸則胸滿入胃則噦矣寒濕不化故小便不利胸中有寒故舌上滑白如胎丹田有熱故口燥渴欲得水而不能飲由胸中有

寒濕故也

集註成無已曰傷寒則無汗濕家雖有汗而不能周身故但頭

汗出也

程應旆曰雖渴欲得水似熱而不能飲可辨則祇是口燥煩而實非胸中燥煩可知證同病別也

濕家下之額上汗出微喘小便利者死若下利不止者亦死

註

此承上條濕家誤下之逆也濕家誤下胸滿而噦小便不利舌上如胎口燥渴不能飲已屬逆矣尙在可治此誤下後額汗不已微喘不止是陽脫於上也小便反利下利不止是陰脫於下也陰陽相離故死也

集註

方有執曰治濕當利其小便而以小便利主死何也誤治

而陰陽散亡也

程知曰濕之中人陰先受之故本經濕證多從助陽溫散爲治若妄下則陽虛陰盛而不可救矣額上汗出微喘虛陽欲上脫也二便不禁盛陰欲下脫也陰陽離決死矣

病者一身盡疼發熱口瞞所劇者此名風濕此病傷於汗出當風或久傷取冷所致也

註

病者謂一身盡痛之病人也濕家一身盡痛風濕亦一身盡痛然濕家之痛則重著不能轉側風濕之痛則輕掣不可屈伸此痛之有別者也至於發熱濕家之熱早暮不分

微甚風濕之熱則曰晡必劇此得之於汗出當風或久作
濕復受風冷所致也

集註

張志聰曰汗出當風則爲風濕久傷取冷則爲寒濕

張錫駒曰發熱日晡所劇者日晡而陽氣衰陰氣盛濕爲
陰邪故主旺時而甚也

問曰風濕相搏一身盡疼痛法當汗出而解值天陰雨不止醫
云此可發汗汗之病不愈者何也答曰發其汗汗大出者但風
氣去濕氣在是故不愈也若治風濕者發其汗但微微似欲汗
出者風濕俱去也

註

此詳風濕相搏一身盡痛不惟不可下卽發汗亦不可失

其宜也風陽邪濕陰邪風濕相搏陰陽受邪故一身盡痛也法當汗出而解值天陰雨不止則濕氣盛雖發其汗汗大出而病不愈者但以風氣去濕氣在是故不愈也以其值濕盛之時發其汗大汗出此汗之不如法所以不解也若治風濕者必俟天氣晴明發其汗但令其汗微微似欲出狀則風與濕俱去而病自解矣

集註

方有執曰陰雨不止則濕不除所以益當發汗也然風濕本由汗出當風而得則汗之大出者必反濕轉加甚微微似欲汗出而不見出則濕消而風散矣此發汗之微機後之人動輒以大汗爲言者去道遠矣

張璐曰風濕相搏法當汗出而解合用桂枝加朮使微微
蒸發表裏氣和風濕皆去正如濕家身煩痛可與麻黃湯
加朮同義

程應旌曰濕家不惟不可誤下卽汗亦不可誤汗風濕相
搏一證一身盡疼痛雖是微挾表邪然其脈不浮終是汗
難大汗治風兼治濕但使微微似欲汗出者是其法也

傷寒八九日風濕相搏身體疼痛不能自轉側不嘔不渴脈浮
虛而濇者桂枝附子湯主之若其人大便鞭小便自利者去桂
枝加白朮湯主之

註
此承上條詳申脈證以明其治也傷寒八九日不嘔不渴

是無傷寒裏病之證也。衄浮虛瀉是無傷寒表病之衄也。衄浮虛主在表，虛風也。瀉者主在經，寒濕也。身體疼煩屬風，也不能轉側屬濕也。乃風濕相搏之證，非傷寒也。與桂枝附子湯溫散其風濕，使從表而解也。若衄浮實者，則又當以麻黃加木湯大發其風濕也。如其人有是證，雖大便秘，小便自利而不議下者，以其非邪熱入裏之鞭，乃風燥濕去之鞭，故仍以桂枝附子湯去桂枝，以大便鞭，小便自利，二欲其發汗，再奪津液也。加白朮以身重著濕在肉分，用以佐附子逐濕氣於肌也。

集註

成無已曰：煩者風也，身疼不能自轉側者濕也。經曰：風則

浮虛蠅經曰蠅來潛者為病寒濕也

桂枝附子去桂枝加白朮湯方

附子

三枚炮去皮破

白朮

四兩

生薑

三兩切

大棗

十二枚擘

甘草

二兩炙

右五味以水六升煮取二升去滓分溫三服初一服其人
身如痺半日許復服之三服都盡其人如冒狀勿怪此以
附子朮併走皮內逐水氣未得除故使之耳法當加桂四
兩此本一方二法以大便鞭小便自利去桂也以大便不
鞭小便不利當加桂附子三枚恐多也虛弱家及產婦宜
減服之

風濕相搏骨節疼煩掣痛不得屈伸近之則痛劇汗出短氣小便不利惡風不欲去衣或身微腫者甘草附子湯主之

註

風濕相搏骨節疼煩重者不能轉側濕勝風也掣痛不可屈伸風勝濕也今掣痛不可屈伸近之則痛劇汗出短氣惡風不欲去衣皆風邪壅盛傷肌表也小便不利濕內蓄也身微腫者濕外薄也以甘草附子湯微汗之祛風爲主除濕次之也已上二條皆詳風濕之義以明風濕之治也

集註

方有執曰搏掣聚也言風與濕相合搏聚共爲一家之病也煩風也痛濕也風勝則掣濕勝則痛風濕之邪注經絡流關節滲骨髓身體所以煩痛掣痛而不利也近之則痛

劇者外邪客於內逆之則逆也短氣者汗多亡陽而氣傷也惡風不欲去衣者以重傷故惡甚也甘草益氣和中附子溫經散濕木能勝濕燥脾桂枝祛風固衛此四物者所以爲風濕相搏之藥也

吳人駒曰必脈之沉而細者若浮大而盛則風多而濕少附子須在審之

甘草附子湯方

甘草

二兩炙

附子

二枚炮去皮破

桂枝

四兩

白朮

二兩

右四味以水六升煮取三升去滓溫服一升日三服初服

得微汗則解能食汗止復煩者服五合恐一升多者宜服六七合爲妙

方解

風濕之治用甘草附子湯卽桂枝附子湯去薑棗加白木也去薑棗者畏助汗也加白木者燥中濕也口三服初服一升不得汗解則仍服一升若微得汗則解解則能食是解已徹也可止再服若汗出而復煩者是解未徹也仍當服之但不可更服一升恐已經汗多服而過汗也服五合可也如不解再服六七合爲妙似此服法總是示人不可盡劑之意學者於理有未解處卽於本文中求之自得矣

太陽中熱者暍是也其人汗出惡寒身熱而渴也

註中暑熱病亦由太陽表入故曰太陽中熱者暍是也其人汗出惡寒身熱而渴類似太陽溫熱之病但溫熱無惡寒以熱從內發故雖汗出而不惡寒中暍惡寒者以暑由外入故汗出而惡寒也究之於脈溫熱之浮必浮而實中暍之浮必浮而虛以暑熱傷氣也究之於渴溫熱之渴初病不過欲飲水中暍之渴一病即大渴引飲也溫熱則傳經變病不一中暍則不傳不愈即死也雖同爲太陽經中之病而虛實施治不同宜以人參白虎湯主治之

集註

方有執曰蒸熱謂之暑傷暑謂之暍汗出惡寒者太陽表不固也身熱者暑邪傷陽也渴者亡津液而內燥也

程知曰此辨暑熱証也太陽中熱者謂是太陽表證而屬中熱也均是太陽表病汗出惡寒身熱而不渴者爲中風汗出身熱而渴不惡寒者爲溫病今汗出惡寒身熱而渴則是中暍暍者暑熱之氣也不言暍而言熱以其胃熱爲獨重也裏有熱故身熱而渴暑傷氣故汗出惡寒

吳人駒曰不可因惡寒而用辛溫又不可因汗出而固表惟宜甘寒以解其暑熱可也

太陽中暍者發熱惡寒身重而疼痛其脈弦細芤遲小便已灑灑然毛聳手足逆冷小有勞身卽熱口開前板齒燥若發汗則惡寒甚加溫鍼則發熱甚數下之則淋甚

註

此中上條詳出證脈戒人不可妄行汗下溫鍼也
暈無汗身重疼痛者似傷寒也但脈弦細訖遲非傷寒脈
也且有小便已而灑灑然惡寒毛聳之證乃太陽膀胱表
氣爲暑所傷而然也手足逆冷者乃暑傷氣氣傷不能達
四肢則寒也小有勞身卽發熱口開前板齒燥者乃勞則
動熱暑熱益烈傷陰液也此皆中暈危證若以發熱無汗
惡寒身痛誤爲傷寒之表妄行發汗則表氣愈虛惡寒更
甚也若以手足逆冷誤爲陽虛妄加溫鍼則暑邪愈盛發
熱更熾也若以壯熱齒乾誤爲胃火而數下之則水源竭
澀尿淋窘甚也凡此之證皆中暈妄行汗下溫鍼致變惟

宜以白虎加入參湯主之或人參湯調辰砂六一散亦可也

集註

成無已曰經云因於暑汗煩則喘喝口開謂喘喝也喘喝不止故前板齒燥

程知曰人身之陽以汗而外泄人身之陰以熱而內竭故喝證禁用汗下溫鍼謂汗則傷陽下則傷陰溫鍼則引火內入也

張錫駒曰灑灑者惡寒之象也毛聳者毫毛豎起也

太陽中暍者身熱疼重而脈微弱此亦夏月傷冷水水行皮中所致也

註
太陽中暈之證身熱疼重者暑傷形也。脈微弱者暑傷氣也。以此證脈揆之亦其人夏月盛暑喜食風涼過飲冷水水氣輸行於皮中表爲邪束不得汗泄所致也。此時卽以香薷飲大順散汗之可立愈也。若因循不治則水氣旣不得外泄於表而作腫勢必內攻於裏而喘脹矣。是又當以葶藶大棗湯或瓜蒂一物散下之也。上條戒人不可汗下此條示人宜當汗下仲景之法多是如此蓋恐人固執失宜也。

集註

方有執曰身熱疼重而曰夏月傷冷水水行皮中所致者土主肌肉而惡濕水滲土而蒸發也。脈微弱者熱則血乾

而氣耗也然夏月飲水人之常事而曰傷何哉良由暑迫飲之過多或得之冷水澡洗暑反內入也

張璐曰按論喝三條首言動而得之之病謂中喝屬外因次言靜而得之之病雖曰中喝實暑病也屬內因末言因熱傷冷之病乃中喝之變證屬不內外因不得以三者混稱也

程應旂曰可見中喝之病大都陽氣在表而胃中虛冷所以身熱疼重而脈微弱夏月飲冷水裏陰鬱住表陽水氣不得宣洩而行於皮中多有此證此則開鬱宣陽又爲喝證中增一義也

音切

八音殊

搏音團

掣

音徹

喝

音謁

灑

所下反

御製增補金鑑

卷十三

七

御纂醫宗金鑑卷十四

訂正仲景全書傷寒論註霍亂篇目錄

四逆加人參湯

征夷將軍公鑑

卷一

一

御纂醫宗金鑑卷十四

訂正仲景全書傷寒論註

辨霍亂病脈證并治篇

霍亂者因風寒暑熱飲食生冷之邪雜揉交病於中正不能堪一任邪之揮霍撩亂故令三焦混淆清濁相干亂於腸胃也表甚則有頭痛身痛發熱惡寒之證裏甚則有嘔吐瀉利腹中大痛之證寒甚則轉筋厥逆冷汗暑甚則大渴引飲不已病既不同治亦各異惟在詳審其因分而療之庶卒然之頃不致有悞矣

問曰治有霍亂者何答曰嘔吐而利此名霍亂

註

問曰病有霍亂者其狀何似答曰卒然嘔吐瀉利者是名

霍亂也

集註

成無已曰三焦者水穀之道路邪在上焦則吐而不利在

下焦則利而不吐在中焦必既吐且利以飲食不節寒熱
不調清濁相干陰陽乖隔而成霍亂輕者祇曰吐瀉重者
揮霍撩亂故曰霍亂

問曰病發熱頭痛身疼惡寒吐利者此屬何病答曰此名霍亂
自吐下又利止復更發熱也

註

此承上條以詳出其證也頭痛身疼發熱惡寒在表之風
寒暑熱爲病也嘔吐瀉利在裏之飲食生冷爲病也具此

證者名曰霍亂若自嘔吐已又瀉利止仍有頭痛身疼惡寒更復發熱是裏解而表不解也宜用藿香正氣湯或香薷飲散而和之可也若不頭痛身疼惡寒吐瀉汗出發熱渴而引飲是表解而裏未解也宜辰砂六一散或白虎加人參湯補而清之可也

集註

方有執曰發熱頭痛身疼惡寒外感也吐利內傷也上以病名求病證此以病證實病名反覆詳明之意

程應旄曰霍亂之證僅見嘔吐而利誰不知責重中焦者若病有發熱頭痛身疼惡寒夾此吐利而來表裏之間倉卒難辨故從屬定名破去傷寒之稱名曰霍亂不欲人以

表惑裏也

沈明宗曰吐利已止復更發熱乃裏氣和而表邪未解當從解表之法或無表證但有腹痛吐利此爲裏邪未解當以和裏爲主

傷寒其脈微濇者本是霍亂今是傷寒却四五日至陰經上轉入陰必利本嘔下利者不可治也欲似大便而反失氣仍不利者此屬陽明也便必鞭十三日愈所以然者經盡故也

註

此承上條辨發熱頭痛身疼惡寒吐利等證爲類傷寒之義也若有前證而脈浮緊是傷寒也今脈微濇本是霍亂也然霍亂初病卽有吐利傷寒吐利却在四五日後邪傳

入陰經之時始吐利也此本是霍亂之即嘔吐而不利故不可作傷寒治之俟之自止也若止後似欲大便而去空氣仍不大便此屬陽明也然屬陽明者大便必鞭雖大便鞭乃傷津液之鞭未可下也當俟至十三日經盡胃和津回便利自可愈矣若過十三日大便秘不利爲之過經不解下之可也

集註

魏荔彤曰此申解霍亂病似乎傷寒應爲辨明孰爲傷寒之吐利孰爲霍亂之吐利以定治法無誤也傷寒中之吐利有六經形證而霍亂中之吐利有表裏陰陽俱應一一辨明方有確見而不搖惑也

下利後當便鞭鞭則能食者愈今反不能食到後經中頗能食復過一經能食過之一日當愈不愈者不屬陽明也

註

此申上條下利後便必鞭之義也凡下利後腸胃空虛津液匱乏當大便鞭鞭則能食者是爲胃氣復至十三日津回便利自當愈也今反不能食是爲胃氣未復俟到十三日後過經之日若頗能食亦當愈也如其不愈是爲當愈不愈也當愈不愈者則可知不屬十三日過經便鞭之陽明當屬吐利後胃中虛寒不食之陽明或屬吐利後胃中虛燥之陽明也此則非藥不可俟之終不能自愈也理中脾約擇而用之可矣

集註張璐曰若利止而不能食邪熱去而胃氣空虛也俟過一

經胃氣漸復自能食矣

霍亂頭痛發熱身疼痛熱多欲飲水者五苓散主之寒多不用水者理中丸主之

註霍亂者水飲內發故吐瀉交作也風寒外襲故頭痛發熱

身疼痛也熱多欲飲水者是飲熱也主五苓散以兩解其飲熱若不欲飲水者是中寒也主理中丸以獨溫其中理中丸卽理中湯和劑作丸也

集註方有執口霍亂熱多欲飲水者陽邪盛也寒多不用水者

陰邪盛也五苓散者水行則熱瀉是亦兩解之謂也理治

也料理之謂中裏也裏陰之謂參朮之甘溫裏也甘草甘平和中也乾薑辛熱散寒也

沈明宗曰此言霍亂須分寒熱而治也頭痛發熱身疼痛者風寒傷於表也外風而挾內熱飲食以致吐利必欲飲水當以五苓散兩解表裏使邪從汗出裏邪即從小便而去不欲飲水者寒多無熱胃陽氣虛當以理中丸溫中散寒爲主此以表裏寒熱辨證治病也

吐利止而身痛不休者當消息和解其外宜桂枝湯小和之

註

霍亂吐利已止而身痛不休者此裏和而表未和當消息輕重以治之故宜桂枝湯小汗以和其外也

集註

方有執曰吐利止裏和也身痛表退而新虛也消息猶言斟酌也桂枝湯固衛以和表也小和言少少與服不令過度之意也

程應旂曰吐利俱止毫無霍亂證矣僅是身痛不休方可從桂枝例一和解其外以其中有芍藥之寒故猶當消息猶曰小和況吐利未止敢恣意於寒涼也哉

張錫駒曰本經凡言小和微和者謂微邪而毋庸大攻也既吐且利小便復利而大汗出下利清穀內寒外熱脈微欲絕者四逆湯主之

註
霍亂之爲病既吐且利津液內亡小便當少而無汗今小

便復利而大汗出下利清穀蜺微欲絕者是外之陽虛不能固護內之陰寒獨盛於中內真寒而外假熱也故不用理中而以四逆主之也

集註

成無已曰吐利亡津液則小便當少小便復利而大汗出

津液不禁陽氣大虛也蜺微爲亡陽若無外熱但內寒下利清穀爲純陰證此以外熱爲陽未絕猶可與四逆湯救之

吳人駒曰旣吐且利而大汗出則泄路盡開而小便又復利云復利者反不欲其利而爲收藏之地也下利清穀內寒外熱且蜺微欲絕一綫之微陽挽回誠爲不易四逆之

施詎可緩乎

吐利汗出發熱惡寒四肢拘急手足厥冷者四逆湯主之

註

霍亂吐利汗出發熱惡寒四肢拘急手足厥冷者乃中外皆寒之證也宜四逆湯助陽以勝陰也

集註

方有執曰吐利四肢拘急手足厥冷裏陰盛也汗出發熱惡寒表陽虛也宜四逆湯中外合救之劑也

程知曰吐利而復汗出陽氣幾於走失矣發熱惡寒爲陽未盡亡四肢拘急手足厥冷不得不用四逆以助陽退陰也又按少陰證云惡寒身踈而利手足厥冷者不治又云下利惡寒而踈臥手足溫者可治此之吐利汗出四肢拘

急手足厥冷而用四逆治之者以有發熱一證也發熱爲陽未盡亡猶是病人生機故經又曰吐利手足不逆冷反發熱者不死

吐已下斷汗出而厥四肢拘急不解脈微欲絕者通脈四逆加豬膽汁湯主之

註

霍亂吐下已止汗出而厥四肢拘急脈微欲絕者乃中寒盛極阻隔陽氣不達於四肢也宜通脈四逆湯加豬膽汁從陰以通陽也

集註

成無已曰吐已下斷津液內竭則不當汗出而厥今汗出而厥四肢拘急不解脈微欲絕者陽氣太虛陰氣獨盛也

若純與陽藥恐陰爲格拒或嘔或躁不得復入也與通
四逆湯加諸膽汁膽苦入心而通脈膽寒補肝而和陰
陽藥使不被格拒內經曰微者逆之甚者從之此之謂也
方有執口已止也下卽利也斷絕也言吐利兩皆止絕而
又以其餘證之不解者更出其治也

惡寒脈微而復利利止亡血也四逆加人參湯主之

按利止亡血如何用大熱補藥利止當是利不止亡血當是
亡陽

註霍亂吐下已止若惡寒脈微而復利利不止者是陽氣虛
也宜四逆加人參益其陽補其氣也

集註

林瀾曰霍亂要在審察寒熱而治若果夏月中暑霍亂嘔
虛小便赤少不可用附子乾薑須仔細辨之利止嘔微而
惡寒乃可用耳又曰中暑霍亂祇宜五苓散加香薷藿
藹根薑汁炒黃連之類治之

四逆加人參湯方

於四逆湯方內加人參一兩餘依四逆湯法

吐利發汗脈平小煩者以新虛不勝穀氣故也

註

霍亂吐已利斷汗出已止脈平和者內外俱解也法當食
食之小煩者以吐下後新虛不勝穀氣故也節其飲食自
可愈矣

集註

鄭重光曰吐利發汗脈平陰退陽回乃有此象猶以新虛不勝穀氣而致小煩蓋霍亂吐利晬時不可便與飲食以胃氣逆反倉廩未固不可便置米穀耳

張錫駒曰霍亂一病夏秋最多是風寒暑濕之邪中人皆能病霍亂非止一寒邪也若吐利過甚損傷中焦之氣以致陰陽間隔手足厥冷脈微欲絕不多飲水者無分寒暑皆宜四逆理中治之蓋邪盛而正實者當瀉其邪邪盛而正衰者宜扶其正況夏月之時陽氣浮於外陰氣伏於內復以冷風寒其形冷水寒其胃內外皆寒風暑之邪未有不乘虛入於陰經者所以夏月祇有陰證而無傷寒今人

患暑證死而手足指甲皆青者陰證也古人以大順散治
暑良有以也

御纂醫宗金鑑卷十五

訂正傷寒論註目錄

辨可汗病脈證篇

辨不可汗病脈證篇

辨可吐病脈證篇

辨不可吐病脈證篇

辨可下病脈證篇

辨不可下病脈證篇

經水不調

經水不調

經水不調

經水不調

經水不調

經水不調

經水不調

御纂醫宗金鑑卷十五

訂正仲景全書傷寒論註

辨可汗病蠱證篇

夫以爲疾病至急倉卒尋按要者難得故重集諸可與不可方治比之三陰三陽篇中此易見也又時有不止是三陰三陽出在諸可與不可中也

註

夫以疾病至急倉卒尋求治法難得其要者汗吐下也故重集汗吐下諸可與不可與之法比之三陰三陽篇中則易見也又時有不止是三陰三陽篇中者亦出在諸可與不可與中也

大法春夏宜發汗

註春夏陽氣舒暢故宜發汗醫治常道此大法也

集程應旆曰春夏宜發汗者發汗有助宣陽氣之功等於春夏發生長育之義今人多以麻桂二湯作春夏之禁藥其輕於畔經者由其未明天道也

凡發汗欲令手足俱周時出以熱熱然一時間許亦佳不可令如水淋漓若病不解當重發汗汗多者必亡陽陽虛不得重發汗也

註

凡發汗令手足俱周時出是欲汗緩出周遍則邪氣悉去正氣不傷也以熱熱然不得令如水淋漓爲度不欲汗急

出過多也若急出過多則邪氣不盡正氣反傷矣倘若
不解當重發汗但前汗已多更汗必亡其陽陽虛卽病不
解故不敢再發其汗也

集註

成無已曰汗緩緩出則表裏之邪悉去汗大出則邪氣不
除但亡陽也陽虛爲無津液故不可重發汗

方有執曰此丁寧發汗之節度也

張錫駒曰汗乃津液汗多則亡津液何以又謂亡陽也經
云上焦開發腠理薰膚充身澤毛若霧露之溉蓋汗雖津
液必藉陽氣之薰蒸宣發而後出故汗多亡津液而陽亦
隨之俱亡也

凡服湯發汗中病即止不必盡劑也

註服湯發汗汗出病解便可止再服不必定然盡劑

集註張應旄曰中病即止亦麻黃桂枝互舉之詞示撙節於中

字所以嚴不中之禁也

凡云可發汗無湯者丸散亦可用要以汗出為解然不如湯隨

證良驗

註凡云可發汗無湯者一時倉卒無湯以丸散代之亦可要

不過以汗出為解耳然丸散乃定劑不如湯可隨證而進

其驗甚準故曰良也

集註程應旄曰丸散僅可從權隨證則不如湯

夫病𧈧浮大問病者言但便鞭耳設利者爲大逆鞭爲實汗出而解何以故𧈧浮當以汗解

註

𧈧浮大屬表未解雖有便鞭裏實亦不可利下何以故因𧈧浮也當先解其外表解熱除內外和諧而大便自通矣設用利藥是爲大逆也

集註

成無已曰結胸雖急𧈧浮大尤不可下下之卽死況此便鞭乎論中有云本發汗而復下之此爲逆若先發汗治不爲逆此之謂也

辨不可汗病𧈧證篇

𧈧濡而弱弱反在關濡反在巔微反在上濇反在下微則陽氣

不足濇則無血陽氣反微中風汗出而反躁煩濇則無血厥而
且寒陽微發汗躁不得眠

註

浮而無力濡脈也沉而無力弱脈也浮中沉俱無力似有
似無微脈也滯而不流利濇脈也竄謂浮也上謂寸也下
謂尺也脈濡而弱弱反在關濡反在顛微反在上濇反在
下謂關脈浮濡沉弱寸脈微尺脈濇陽虛則寸脈微血少
則尺脈濇此陽虛血少不可汗之脈也陽虛當汗出惡寒
血少當心煩發熱此陽虛血少不可汗之證也若誤認為
太陽中風而發其汗必致陰陽相失而兩亡則反煩躁不
眠厥而且寒矣

脈濡而弱弱反在關濡反在巔弦反在上微反在下弦爲陽運微爲陰寒上實下虛意欲得溫微弦爲虛不可發汗發汗則寒慄不能自還

註

此謂關脈浮濡沉弱寸脈弦尺脈微也弦爲少陽熱邪之診微爲少陰寒邪之診故曰上實下虛也然微弦同見虛實未審惟察其人意欲得溫則非惡寒在表而是畏寒在裏也故不可發汗若誤發其汗則陰愈盛而生寒慄陽愈衰而不能自還矣

諸脈得數動微弱者不可發汗發汗則大便難腹中乾胃燥而煩其形相像根本異源

註

凡諸病得數動脈者有餘診也可發汗若按之微弱者是外假實而內真虛也不可發汗若誤發其汗傷其津液則腹中乾大便難胃燥而煩其形似胃實熱結之陽明究其根本實由發虛家汗致成津枯虛燥之陽明也故曰其形相像根本異源也

集註

程知曰動數爲熱微弱爲虛發汗動津液則便難腹乾胃燥而煩此與陽明裏熱之證雖曰其形相似而根本則有虛實之不同也

張志聰曰數動陽脈也微弱陰脈也諸脈得動數微弱者猶言左右三部或得動數之脈而按之微弱者皆不可發

汗發汗則津液內竭故大便難水氣外洩故腹中乾火熱
上蒸故胃燥而煩其形相像者汗後而燥證相同也根本
異源者動數之脈屬乎陽微弱之脈屬乎陰有陰有陽有
虛有實也

厥脈緊不可發汗發汗則聲亂咽嘶舌萎聲不得前

註可發汗之脈必陰陽俱緊今厥而脈緊乃少陰之緊非太
陽之緊也若發其汗則傷少陰之氣聲亂咽嘶舌萎聲不
得前之證作矣

集註成無已曰厥而脈緊則少陰傷寒也法當溫裏而反發汗
則損少陰之氣其脈不能入肺中循喉嚨挾舌本故聲亂

咽嘶舌萎聲微言語不得高也

魏荔彤曰此段就厥證論脈知陽虛禁汗因明諸逆發汗之貽悞也厥者凡厥有冷厥熱厥沈厥寒熱相勝之厥但見緊脈無論何厥病皆在陰若發汗反攻其陽則氣散血竭夫舌根於腎聲出於肺聲亂咽嘶肺氣欲絕也舌萎卽萎不爲用也聲不得前本氣不振也皆由於發汗散亡其腎肺二臟真氣也

動氣在右不可發汗發汗則衄而渴心苦煩飲卽吐水動氣在左不可發汗發汗則頭眩汗不止筋惕肉瞤動氣在上不可發汗發汗則氣上衝正在心端動氣在下不可發汗發汗則無汗

心中大煩骨節苦痛目暈惡寒食則反吐穀不得前

註

動氣者築築然氣跳動也臍之上下左右四藏之位也四藏之氣不安其位故動也緣素爲客邪所據本藏之氣已失其守尚賴中州胃氣爲主卽有表邪不可發汗恐胃中之氣液兩傷本藏失養則所不勝之邪因而同病也動氣在右肺氣不治心不恒德若誤汗之則心氣愈熱血脈沸騰故衄而渴苦煩也肺失治節不能通調水道故飲卽吐水也動氣在左肝氣不治肺不恒德若誤汗之則肝虛失升故頭眩也若汗出不止津液失養筋肉故惕瞞也動氣在上心氣不治腎不恒德若誤汗之則心氣虛故腎氣上

衝正在心端也動氣在下腎氣不治脾不恆德若誤汗之
腎水虛竭故骨痛惡寒無汗心煩目暈也脾土過燥不守
常化故食則反吐穀不得近也

集註

程知曰此言動氣不可發汗也蓋正氣內虛藏氣不治故
氣築築然動動氣爲裏虛故不可發汗

程應旄曰藏氣不安其位故動因素有邪據本藏之氣反
在依附之間最易離經所恃奠定之者全賴胃氣爲之主
發汗虛其胃氣則四藏失所養反被邪攻各見離經之象
病雖左右上下之不同要其失於建中之義則一也

咽中閉塞不可發汗發汗則吐血氣微絕手足厥冷欲得蹠臥

不能自溫

註

少陰之脈循喉嚨繫舌本咽中閉塞少陰之氣不能上通也若強發少陰汗陽微不能作汗必動其血故吐血氣微絕踈臥厥冷不能自溫也

集註

程知曰咽中閉塞不可發汗蓋陰邪盛也強發其汗必動其血至於吐血氣欲絕則併腎中之微陽不能自存故遂手足厥冷欲得踈臥不能自溫夫下厥上竭踈臥厥冷在少陰皆危證也

程應旆曰汗劑爲陽施於陰經則逆咽中閉塞由少陰液少腎氣不能上通也發少陰汗則下厥上竭故見證如此

欬者則劇數吐涎沫咽中必乾小便不利心中饑煩晡時而發其形似瘧有寒無熱虛而寒慄欬而發汗蹇而苦滿腹中復堅

註

欬者則劇欬之甚也數吐涎沫肺傷液耗矣故咽乾小便不利心中饑煩也晡時週時也謂週時一發其形似瘧有寒無熱中虛而生寒慄也若誤以爲形寒之欬而發其汗則肺氣旣虛而衛陽又亡陽氣兩傷不能溫及中下陰氣凝於內外自蹇而苦滿腹中復堅矣

集註

程知曰此承上言濡弱弦微之脈其有欬者則病劇而不可汗也欬則數吐涎沫其咽中必乾小便必不利膈中陽虛必心中饑而煩衛氣一日夜五十度週於身陽虛不能

自衛故晬時寒慄如瘧但有寒無熱此而發汗則陽氣愈虛陰寒益盛必踰而苦滿腹中轉堅也

欬而小便利若失小便者不可發汗汗出則四肢厥而逆

註

欬多飲病小便應不利若小便利知無飲也今欬而遺失小便是不但無飲且係下焦陽虛膀胱不固之欬也故不可發汗汗出則陽氣愈衰四肢逆冷矣

集註

程知曰內經謂腎欬不已膀胱受之膀胱欬狀欬而遺尿故欬而小便利若失小便者是腎中陽虛也發汗則陽氣益亡故厥冷

諸逆發汗病微者難差劇者言亂目眩者死命將難全

註

不當汗而汗當汗而過汗皆致逆故曰諸逆也發汗致逆之病病微者難差病劇者則死劇者謂陽脫見鬼則言亂陰脫目盲則曰眩也

集註

程應旂曰諸逆屬少陰居多陰寒極矣發汗是重奪其陽雖有微劇不同皆關於死明乎陽爲人命之根也

傷寒頭痛翁翁發熱形象中風常微汗出自嘔者下之益煩心懊憹如飢發汗則致瘕身強難以屈伸熏之則發黃不得小便灸則發欬唾

註

頭痛翁翁發熱汗出則嘔形相中風者當以桂枝湯解肌若下之重則變結胸痞頓輕則爲心中益煩懊憹如飢不

以桂枝湯解肌而以麻黃湯發汗表虛風入則致痺故身
強難以屈伸也或以火熏蒸身汗則不得小便熱從濕化
而發黃也灸則火邪傷肺故發欬唾不已也

集註

成無已曰若反下之邪熱乘虛流於胸中爲虛煩心中懊
憹如饑若發汗則虛表熱歸經絡熱甚生風故身強直而
成瘕若熏之則火熱相合消燼津液故小便不利而發黃
肺惡火灸則火熱傷肺必發嗽而欬唾也

高士宗曰汗下火熏施治各異損正則一故舉下之惡
與發汗而並論之也

魏荔彤曰此申明雖有表證宜汗亦當詳其利

而下者俱

風頭痛翕翕發熱桂枝證也嘔則仍是水逆也發汗致逆
益煩懊憹如饑則未下時已煩可知此特更甚鬼則言亂
汗表虛風入故身強難以屈伸火熏逼汗熱入於裏
便不得蓋小便利者不成黃證發黃則小便爲濕邪所阻
熱邪所耗可知灸則熱上衝故欬唾膿血也

辨可吐病脈證篇

大法春宜吐

註

汗吐下治病之大法謂春宜於吐者是象天之春氣上升
以立法也然凡病有當吐者則吐之又不可一概而論也

集註

程應旂曰吐法從升有發陳之義故曰春宜吐

凡用吐湯中病便止不必盡劑也

註凡用吐湯原以去上焦之邪中病即止若病去而過用之

反傷中氣所以不必盡劑也

集程應旂曰吐以去上焦之邪上焦為清陽之分吐之過劑

則邪去而所傷者膈中之陽陽固不可不寶惜也

病胸上諸實胸中鬱鬱而痛不能食欲使人按之而反有涎唾
下利日十餘行其脈反遲寸口脈惟滑此可吐之吐之利則止

註胸上諸實謂或痰或熱或寒之類也諸實為病故胸中

鬱而痛不能食也欲使人按之不但痛不能減而下者俱

唾知邪在胸中盛滿得按而上溢也經曰下利

者內實也今下利日十餘行其脈反遲寸口惟發汗致逆
在上水不下輪膀胱而走大腸也故但吐之利自則言亂

集註

張璐曰痛不得食按之反有涎唾者知有寒痰在胸

下利脈遲寸口惟滑者爲膈上實故吐之則利自止也

病手足逆冷脈乍結以客氣在胸中心下滿而煩欲食不能食
者病在胸中當吐之

註

病人手足厥冷脈乍結者以寒邪結氣結在胸中陽氣不

能四達也心下滿而煩者實結則滿陽鬱則煩也欲食不
能食者是客氣病在胸中故當吐之也

集註

成無已曰此與瓜蒂散證同彼云脈乍緊此云脈乍結惟

此有異緊爲內實乍緊則邪在胸中實而未深也結爲結實乍結則邪在胸中結而未深也雖所治俱同但輕之重之不無別也

程知曰脈來緩時一止復來曰結結者痰氣結滯之名此與瓜蒂散證同但彼云脈乍緊則爲寒邪盛此云脈乍結則爲痰氣實也

張錫駒曰病人手足厥冷者氣機內結不能外達於四肢也心下滿而煩者邪實則滿正傷則煩也

魏荔彤曰脈乍結非脈之本然乃有形之邪阻礙下者俱宗氣故榮衛之氣不能暢行非同於氣血虛微

之結也

發汗致逆

宿食在上脘者當吐之

則言亂

註

胃有三脘宿食在上脘者痛在胸膈痛則欲吐可吐

下也在中脘者痛在心口痛欲吐或不吐可吐可下也在下脘者痛在臍上痛不欲吐不可吐可下也故曰宿食在上脘者當吐之此詳凡在上者皆可吐也

集註

成無已曰宿食在中下脘則宜下宿食在上脘則當吐內

經曰其高者因而越之其下者引而竭之

方有執曰上脘謂胃府之口也

張志聰曰胃爲水穀之海有上脘中脘下脘之分上主納

中土代今食在上脘不得腐化故爲宿食當吐之

程應旂曰宗氣聚於胸中升降呼吸出焉清陽之分豈容
濁物留滯吐以宣之使無障礙也若屬表邪傳入無形而
有形則痞滿結胸另有治法均非宜矣

辨不可吐病衄證篇

具見六經中

辨可下病衄證篇

大法秋宜下

註

天至秋則氣降物至秋則成實實則宜下凡邪在下者俱

宜取法乎此義也

凡可下者用湯勝丸散中病便止不必盡劑也

註

湯者盪也丸者緩也下藥貴速故凡服下藥用湯所以勝丸也中病卽止不必盡劑者恐盡劑反傷其正氣也程應旄曰用湯勝丸貴活法也中病卽止示節制也

下利三部脈皆平按之心下鞭者急下之宜大承氣湯

註

下利心下鞭者諸瀉心湯證也若寸關尺三部脈平實有力雖下利仍宜攻其鞭也

集註

方有執曰三部脈皆平血氣和可知矣心下鞭實也所以急下之也

張錫駒曰本經云若自下利者脈當微厥今反和者此爲

內實也宜下之

下利鯀遲而滑者內實也利未欲止當下之宜大承氣湯

註

鯀遲不能兼滑惟浮取之遲沉取之滑則有之矣今下利鯀遲而滑謂浮遲而沉滑也浮遲則外和沉滑則內實欲止內實之下利仍當下之使積去則利自止宜大承氣湯

集註

程應旂曰遲而滑滑在下而遲在上知爲物阻之遲非寒

陰之遲故但下其所阻則內實去而利自止矣

問曰人病有宿食何以別之師曰寸口鯀浮而大按之反濇尺中亦微而濇故知有宿食當下之宜大承氣湯

接

尺中微字當是大字若是微字斷無當下之理

註

寸口脈浮而大按之反濇謂按之且大且濇且有力也關上尺中亦然大濇有力爲實而不利之診故知有宿食也當下之宜大承氣湯

集註

程知曰滑爲有食結滯經宿則脈澀矣尺以候內沉以候裏故宿食之脈按之反濇尺中亦大而濇也

下利不欲食者以有宿食故也當下之宜大承氣湯

試

初下利不欲食者是傷食惡食故不欲食也若久下利不欲食者是傷脾食後飽脹不欲食也今初下利卽不欲食故知有宿食也當下之宜大承氣湯無疑也

集註

程應旂曰傷食惡食故不欲食與不能食者自別下利有

此更無別樣虛證知非三陰之下利而爲宿食之下利也
故當下之

下利差至其年月日時復發者以病不盡故也當下之宜大承
氣湯

註下利差後至其年月日時而復發其利者此宿食積病攻
之不盡故也若其人形氣不衰飲食尙強當攻其未盡自
不復發矣宜大承氣湯

集方有執曰其期也謂周其一年之月日期也

程應旂曰下利差後而餘邪之棲於腸胃迴折處者未盡
是爲伏邪凡得其候而伏者仍應其候而伸下則搜而盡

之矣

下利脈反滑當有所去下乃愈宜大承氣湯

註

此承上條互發其義以詳其脈也下利脈反滑是證虛脈實不相宜也若其人形氣如常飲食如故乃有當去之積未去也下之乃愈宜大承氣湯

集註

程應旆曰滑爲實故可行通因通用之法

病腹中滿痛者此爲實也當下之宜大承氣湯

註

腹中不滿而痛者病以屬虛若滿而痛則爲實矣當下之宜大承氣湯

集註

張璐曰腹中旣滿且痛爲實結無疑急須下之

程應旼曰病腹中滿痛雖在陰經亦可下不必其爲陽也矣

傷寒後脈沉沉者內實也下之解宜大柴胡湯

註

傷寒後不解脈沉沉而有力者內實也宜以下解然其人必午後小有潮熱故取大柴胡兩解之也

脈雙弦而遲者必心下鞭脈大而緊者陽中有陰也可下之宜大承氣湯

註

雙弦謂左關右關皆見弦脈也左關脈弦肝本脈也右關脈弦木剋土也弦者飲也遲者寒也心下鞭者是肝邪挾寒飲而傷胃故不可下乃生薑瀉心湯證也若脈大按之

經義集卷之三
緊是陽有餘而陰亦實也乃有餘之鞭非胃傷者此故可
下之宜大承氣湯也

辨不可下病脈證篇

脈濡而弱弱反在關濡反在顛微反在上濇反在下微則陽氣
不足濇則無血陽氣反微中風汗出而反躁煩濇則無血厥而
且寒陽微則不可下下之則心下痞鞭

註

此卽前不可發汗之條所謂關脈浮濡沉弱寸脈微尺脈
濇陽虛血少之診也汗旣不可下亦不可均爲陽虛故也
若誤下之則寒虛內竭心下痞鞭必成太陰誤下下利之
痞鞭矣

集註

程應旄曰誤汗亡陽分之陽誤下亡陰分之陽無陽則陰

獨而地氣得以上居故心下痞鞭

脈濡而弱弱反在關濡反在巔弦反在上微反在下弦為陽運微為陰寒上實下虛意欲得溫微弦為虛虛者不可下也

註

此亦前不可發汗之條所謂關脈浮濡沉弱寸脈弦尺脈微上實下虛之診也微弦為虛既不可汗亦不可下下虛故也

集註

成無已曰虛家下之是為重虛

脈濡而弱弱反在關濡反在巔浮反在上數反在下浮為陽虛數為無血浮為虛數生熱浮為虛自汗出而惡寒數為痛振而

寒慄微弱在關胸下爲急喘汗而不得呼吸呼吸之中痛在於
脇脈寒相搏形如瘧狀醫反下之故令脈數發熱狂走見鬼心
下爲痞小便淋瀝少腹甚鞭小便則尿血也

註

此謂關脈浮濡沉弱寸脈浮尺脈數也關濡弱爲中氣虛
乏寸浮無力爲陽虛尺數無力爲血虛陽虛故汗自出而
惡寒血虛故身痛振寒而慄中氣虛乏故胸脇氣急喘汗
而不得呼吸呼吸之中痛引於脇也振寒相搏形如瘧狀
裏邪不實表邪未解醫反下之虛陽未罷之表盡陷於裏
故令脈虛數無倫發熱狂走見鬼心下爲痞少腹甚鞭小
便淋瀝尿血也

集註

張璐曰寸口浮濡而關弱尺數者以其人陽氣本虛虛陽陷於陰分也若誤下傷血必致狂走痞滿尿血也

魏虜彤曰前虛寒之忌下易知此虛而兼熱之忌下難知故兩條相映互言以示禁也

緩濡而緊濡則衛氣微緊則營中寒陽微衛中風發熱而惡寒營緊衛氣冷微嘔心內煩臂爲有大熱解肌而發汗亡陽虛煩陽心下苦痞堅裏俱虛竭卒起而頭眩客熱在皮膚悵悵不得眠不知胃氣冷緊寒在關元技巧無所施汲水灌其身客熱因時罷悵悵而振寒重被而覆之汗出而冒巔體惕而又振小便利爲微難寒氣因水發清穀不容間嘔變反腸出顛倒不得安

手足爲微逆身冷而內煩遲欲從後救安可復追還

註

脈濡而緊謂浮濡而沉緊也濡則衛表微緊則營裏寒外有發熱汗出惡寒之表內有微嘔心煩之裏醫爲有熱解肌發汗表陽愈虛而生煩躁裏寒更急心下痞硬表虛裏冷故卒起頭眩悵悵不眠若徒以客熱在膚不知中寒在裏而以冷水灌身雖客熱因而時罷但慄慄振寒不容不重被而覆之汗出必眩悵振厥逆下利清穀煩躁不安而死以中外之陽兩亡不能復還也

集註

張錫駒曰汗出而冒顛者汗出則陽氣外亡頭昏冒而目不明故曰冒顛小便爲微難陽亡而氣不施化也清穀不

客謂下利清穀無間隙之時也嘔變者嘔出之味變也腸
出者下利而腐腸脫出也

脈浮而大津液氣實大為血虛血虛為無陰孤陽獨下陰部者
小便當不利而難申中當虛今反小便利而大汗出法應衛家當
微今反更實津液四射營竭血盡乾煩而不得眠血薄肉消而
成暴液醫復以毒藥攻其胃此為重虛客陽去有期必下如污
泥而死

註

脈浮而大謂脈浮取有力按之大而無力乃革脈象也浮
為氣實外急大為血虛中空血虛甚則亡陰陰亡則陽亡
偶也故曰孤陽獨下陰部謂衛陽下就其陰小便當

難以胞中虛竭也若陽不下就其陰則小便反利而

出是衛陽表虛邪陽內入無陰以化故反更實致津液小

射營竭血盡肉消胃乾煩不得眠也醫不知此乃以中空
暴液之陽明誤爲胃實復以峻藥攻之則爲虛虛胃陽之
去可期必下污穢如泥而死也

集註

程知曰此言氣實血虛之脈小便利而大汗出者不可下

也

程應旂曰無陰而孤陽獨下陰部倘得小便赤而難則胞
中不虛僅爲陽搏陽未離則陰得滯而未散今反小便利
而大汗出則衛氣更微矣其反更實者非衛陽之實而客

陽之實也衛陽猶或抱陰客陽則專於攻陰故津液因射而爲小便利爲大汗出熱甚逼陰所以營竭血盡危殆而不得眠血薄肉消而成萎液暴液云者點滴皆火氣煎熬而出也毒藥攻胃則土敗而四藏無生下如污泥而死矣傷寒脈陰陽俱緊惡寒發熱則脈欲厥厥者脈初來大漸漸小更來漸大是其候也如此者惡寒甚者翕翕汗出喉中痛苦熱多者目赤脈多睛不慧醫復視之咽中則傷若復下之則兩目閉寒多便清穀熱多便膿血若熏之則身發黃若熨之則咽燥若小便利者可救之若小便難者爲危殆

註
傷寒脈陰陽俱緊惡寒發熱太陽表證也則脈欲厥

緊之脈初大漸小知爲欲厥之脈也初來太陽爲之也故發熱漸漸小陰爲之也故發厥更大更熱更小更厥是其候也如此者當以寒熱別其厥惡寒甚翕翕汗出咽中痛是少陰寒厥也發熱多目赤脈多睛不了了是陽明熱厥也寒甚熱多之厥而誤發之則咽痛似傷而誤下之則兩目多閉凡厥者必下利寒厥之利下利清穀也熱厥之利下利膿血也此又以利辨厥之寒熱也若以薰蒸取汗則發身黃濕熱合也若以火熨取汗則咽燥火甚傷津也若小便利者則陰未亡故可救之小便難者則陰已亡爲危殆也

集註程知曰言外傷於寒爲熱熱之病不可汗下熨熨也

張璐曰脈來厥者知脈逆之寒熱交勝也初來大者爲邪氣鼓動漸漸小爲正氣受傷更來漸漸大爲邪氣復進也蓋因其人正氣本虛不能主持隨邪氣進退故其脈亦隨邪氣進退忽大忽小也小便利者津液未竭小便難者津液已絕爲危殆也

傷寒發熱口中勃勃氣出頭痛目黃衄不可制貪水者必嘔惡水者厥若下之咽中生痞假令手足溫者必下重便膿血頭痛目黃者若下之則目閉貪水者若下之其脈必厥其聲嚶咽喉塞若發汗則戰慄陰陽俱虛惡水者若下之則裏冷不嗜食大

便完穀出若發汗則口中傷舌上白胎煩燥脈數實不大便六
七日後必便血若發汗則小便自利也

註

傷寒發熱口中勃勃氣盛而出頭痛目黃將欲作衄衄不
可制以陽邪盛故衄之甚也食水者水與熱搏故嘔也惡
水者裏陰寒盛故厥也傷寒發熱口中出氣盛者若下之
熱邪入淺咽中生瘡入深下重膿血頭痛目黃者若下之
則兩目閉液傷乾澇也食水者若下之熱去水停故肢厥
聲嚶咽喉塞也若發汗過多亡陽故戰慄表裏俱虛也惡
水者若下之裏寒更甚故不嗜食下利完穀也若發汗動
其虛陽故口中瘡舌上白胎煩燥也若脈數有力不大便

而惡水熱在於陰故六七日後必便血也若更發其汗陰陽俱虛故小便自利也

集註

程知曰傷寒發熱熱在表也口中勃勃氣出熱在裏也頭痛曰黃衄不可制所感之寒與所鬱之熱共蒸於上也此當以貪水惡水辨之貪水者陰盛而熱勝水入而熱與之拒故嘔也惡水者陽虛而寒勝水入而陽氣不任故厥也蓋熱氣挾寒邪上蒸法當辨寒熱多寡而用清解設不知而妄下之是強抑之而邪不服必至咽瘡若手足溫而不厥者其熱爲勝必以下而致便膿血也頭痛目黃者下之則熱內陷而目閉若貪水者陰虛爲寒下所抑其厥必厥

其聲必如嬰兒餵塞不揚也此而更發其汗則亡陽戰慄
陽亦與陰俱虛矣若惡水者陽虛加之寒下則有裏冷不
嗜食大便完穀出之變也此而更發其汗則虛陽外發必
口爛舌白胎而煩躁也赧數實不大便者至六七日後當
便血此當下之若更發其汗則非惟大便不行併小便亦
爲之不利矣

微則爲欬欬則吐涎下之則欬止而利因不休利不休則胸中
如蟲嚙粥入則出小便不利兩脇拘急喘息爲難頸背相引臂
則不仁極寒反汗出身冷若冰眼睛不慧語言不休而穀氣多
入此爲除中口雖欲言舌不得前

註

陽盛爲痰陽虛爲飲欬而脈微爲陽虛之欬故欬則吐涎
飲也若脈實下之可也今脈微下之寒虛更甚故欬雖止
而利因不休也胸中如蟲齧是胃寒蟲動故嘔入則出也
下利上吐中寒也小便不利停飲也兩脇拘急喘急爲難
頸背相引臂則不仁此皆中外寒飲之證比之少陰停飲
此無身痛彼無項背相引臂則不仁也若極寒而甚則反
汗出身冷如冰目睛不慧語言不休而死也以如是之證
而殺氣多入此爲除中口雖欲言舌短難伸亦死也

集註

張璐曰誤下之下利不止胃中空虛而反暴食爲除中少
陰虛寒而反冷汗爲外脫及口雖欲言舌萎不能前等死

證皆起誤下之害如是

衄數者久數不止止則邪結正氣不能復正氣却結於藏故邪氣浮之與皮毛相得衄數者不可下下之必煩利不止

註衄數者謂久數不止有熱之人也若衄數動時一止熱仍不退是邪氣結正氣不能復正氣結於藏邪氣浮於外故也衄雖數促不可下也若誤下之則邪熱乘虛入裏必煩利不止也

衄浮大應發汗醫反下之此爲大逆

註

衄浮大此爲表實之衄應發其汗若醫誤以大爲裏實而反下之此爲大逆也

集註

程應旌曰脈大與脈浮而大差別盛實純在表也雖有裏

證仍宜從表發汗下之則爲人逆

動氣在右不可下下之則津液內竭咽燥鼻乾頭眩心悸也動
氣在左不可下下之則腹內拘急食不下動氣更劇雖有身熱
臥則欲蹠動氣在上不可下下之則掌捧熱煩身上浮冷熱汗
自泄欲得水自灌動氣在下不可下下之則腹脹滿卒起頭眩
食則下清穀心下痞也

註

動氣在右肺失治矣下之則肺先虛津液內竭故咽燥鼻
乾頭眩心悸也動氣在左肝失治矣下之則肝氣益急故
食不下腹內拘急動氣更劇表實未減裏虛益甚故雖有

身熱臥則欲蹠也動氣在上心失治矣下之則陰液益傷
心火更甚故掌心握熱煩熱汗出欲得水澆卽有身上浮
冷亦火盛格陰使然也動氣在下腎失治矣下之則寒虛
內甚而腹脹滿故卒起頭眩心下痞滿食則下利清穀也
集註程應旂曰動氣誤下是爲犯藏左右上下隨其經氣而致
逆故禁同汗例

咽中閉塞不可下下之則上輕下重水漿不下臥則欲蹠身急
痛下利日數十行

計

咽中閉塞燥乾腫痛者少陰陽邪也宜下之今不燥乾不
腫痛者少陰陰邪也不可下下之則陽愈衰陰愈盛故曰

上輕下重也水漿不入臥欲蹠身急下利日數十行中
外陽虛也

集註

張璐曰言初病咽乾閉塞以其人少陰之真陽素虧故汗
下俱禁若下之則少陰虛寒諸證蜂起矣

程應旆曰腎邪上逆故有咽中閉塞之證下之陽氣益虛
陰氣益甚故有上輕下重等證

諸外實者不可下下之則發微熱亡脈厥者當臍握熱

註

諸外實者裏必虛卽有不大便無所苦之裏亦不可下若
下之外發之熱雖微內虛之寒則盛若無脈而厥當臍握
熱始暖亦寒之甚也

註方有執曰諸外實指一切之邪在表而言也發微熱邪入

裏也無緣陽內陷也

程知曰下之則表邪內陷外不熱而內發微熱也其亡緣而厥者則寒氣內深惟當臍一握熱耳

太陽病有外證未解不可下下之爲逆

註此重出以申叮嚀告戒之意

集註程應旂曰未解較不解稍異勢雖欲下仍須俟之

病欲吐者不可下嘔多雖有陽明證不可攻之

註欲吐者邪在膈上可吐之證也嘔多者邪在少陽可和之證也雖其裏證戒人不可先攻下也

夫病陽多者熱下之則鞭

註陽病裏熱多者宜乎下表熱多者宜乎汗若表裏熱多當兩解也若單下之表不解則裏虛表熱內陷因作鞭也

集張璐曰陽熱證多即有陽明證見亦屬經證不可下也不

當下而誤下之則陽邪乘虛內陷不作結胸則爲痞鞭也程應旄曰陽病謂表裏熱俱多下之則胃中水竭其鞭也非轉屬陽明之鞭也

無陽陰強大便鞭者下之必清穀腹滿

註亡陽陰盛燥而無熱雖大便鞭者此乃不大便無所苦之鞭也下之則中寒猶盛故必利清穀腹滿矣

成無已曰無陽者亡津液也陰多者寒多也大便秘則爲
陰結下之虛胃陰寒內甚故清穀腹滿

方有執曰陰以寒言強猶言多也清穀陰不能化也腹滿
陰寒凝滯而內脹也

傷寒發熱頭痛微汗出發汗則不識人熏之則喘不得小便心
腹滿下之則短氣小便難頭痛背強加溫鍼則衄

註

傷寒發熱頭痛背強微汗出若不惡寒非溫病卽邪傳陽

明也若誤發汗不成風溫外熱如灼必成陽明熱甚神昏
不識人也以火熏溫鍼劫之火氣入裏壅塞於胸則喘於
腹則滿也火傷衛分津液則不得小便火傷營分血脈則

必作飢也若下之則中氣傷故氣短津液傷故小便難也
集註程應旂曰此證近於溫有熱無寒汗下溫鍼均在所禁也
下利脈大者虛也以強下之故也設脈浮革因爾腸鳴者屬當
歸四逆湯

註

下利脈大裏虛也以其不當下而強下之故也設脈浮革
者謂脈浮大按之空虛表急裏虛因爾腸鳴屬當歸四逆
湯和其表而溫其裏也

集

成無已曰浮為虛革為寒寒虛相搏則腸鳴與當歸四逆

曰切

不...
...
...

言

...

...
...
...

...

...

...

...

...

...

...

魚歸
金一五

石象... 卷一... 王... 王... 王... 王...

音

第... 金... 第一

林知嘶先齊菱於危悵丑亮快於亮勃蒲沒嚶於更

切

魚結握乙角切



石象... 卷一... 王... 王... 王...

音四

先金 先王

林知 嘶 先齊 菱 於危 悵 丑亮 快 於

魚結 握 乙角 切

於更